

ፆኑሲ ማድም ዳኪንቴ ጳውሎሴ ቆሮንቶሴ ዓሶም ዳኬ ለምዓሳ ኪኢቶ" ዓይያ ካሮ"

ጳውሎሴ ቆሮንቶሴ ዓሶም ፆኑፔ ለምዓሳ ኪኢታ" ፆኑፔንቴህ" ጳውሎሴና ቆሮንቶሴይዳ ዓኣ፥ ኪሪሰቶሴ ጉሙርቃ ዓሶና ባኣካ" ማታ ማዢንቴ ዓኣንቴኬ። ፔቴ" ፔቴ" ኪሪሰቶሴ ጉሙርቃ ዓሳ ዓሚ"ና ዒዛ ፑርቲሲ ደንካያ ማዔቴያ ጳውሎሴ ዔያቶና ዋላ" ገኢጋኒ ኮዓያ ማዒያ ሃሃ ገኢጌያ ማዔቴ ሚርጌና ዒዛ ዋዛሳኒ ዳንዳዓሂ ሃና ኪኢታ ኬኤዛ።

ኪኢቶ"ኮ ዓይያይዳ፡ ጳውሎሴ ቆሮንቶሴይዳ ዓኣ፥ ኪሪሰቶሴ ጉሙርቃ ዓሶና ዋላ" ዓኣ ዒዛኮ ፔቱሞና ኪሪሰቶሴ ጉሙርቃ ዓሶ ባኣካ" ዒዛ ደንካ ዓሶና ዒዛ ዒዒ ማካ ዓሶም ዓይጋ ዒ ዴኤፆ ዑኡሲና ማሂ ኬኤዜቴያ ዔርዛኔ። ሃሃ ዬይ ዒዛኮ ጎሪ"ፆ ዔያታ ዳሲንቴፓ ማዓንዳጉዲና ዒዛና ቡካንዳጉዲ ማሃሂሮ ዒዛ ዋዛሴ፥ ዋዛ" ዔያቶም ኬኤዛ። ዬካፓ ዪሁዳ ዓጮ"ይዳ ዓኣ፥ ኪሪሰቶሴ ጉሙርቃ ዓሶ ማኣዳ"ኒ ኮሹሞና ዔያታ ዒንጎ ባኣዚ" ዒንጋንዳጉዲ ዔያቶም ኬኤዛ። ሓኖ" ኪኢቶ"ኮ ጋፒንፆ ዓይያንሂዳ ዓሳ ዒዛ ዒዒ ጋዓ ጌኤዘኮ ማሂፆ ጳውሎሴ ኬኤዛ፤ ዓይጎር ጌዔቴ ቆሮንቶሴይዳ ዓኣ፥ ኪሪሰቶሴ ጉሙርቃ ፔቴ" ፔቴ" ዓሳ ፔና ጎኔ ፆኑሲ ማድም ዳኪንቴያ ማሂ፡- «ጳውሎሴ ፆኑሲ ማድ"ም ጎኔ ዳኪንቴያቱሞሴ» ጌዒ ዒዛ ፑርቲሲ ኬኤዛሂሮኬ።

ማፆኣፔላ ዲማ ዲማ ዓርቄ ባኮ

- ዓይያ ካሮ" 1፥1-11
- ጳውሎሴና ቆሮንቶሴይዳ ዓኣ ሺኢጲፆ ማኣሮ ዓሶና ዛላ
- 1፥12—7፥16
- ዪሁዳይዳ ዓኣ፥ ኪሪሰቶሴ ጉሙርቃ ዓሶም ዳኪንቴ ማኣዶ
- 8፥1—9፥15
- ጳውሎሴ ፆኑሲ ማድ"ም ዳኪንቴያ ማዔሂ ኬኤዜሂ
- 10፥1—13፥10
- ጋፒንሂ ሓይሴ 13፥11-13

1 ፆኑሲ ማሊሂ ማዔም ዬሱሰ ኪሪሰቶሴኮ ዳኪንቴ ማዳያ ማዔ፥ ጳውሎሴና ኑ ዒሻሂ ዒሞቴሞሴናይዳፓ፡-

1:1 ዳኪ. ማድ" 18፥1።

ቆርንቶስ ይዳ ዓኣ ሺኢጲያ ማኣሮ ዓሶና፤ ዬያጉዲ ዓካይያይዳ ዓኣ፤ ኪሪስቶስ ጉሙርቃ ዴሮ"ም ቢያ።

2 ኑ ዓዳሢ፤ ያኣዛሢና ኑ ጎዳሢ ዬሱስ ኪሪስቶስና ኮ ሚጠንቲያና ኮሹሞና ዒንሢም ማጎንጎ።

ጳውሎስ ያኦሲ ጋላቲ ጋላቶ"

3 ሚጠንታ ዓዶ ማዕያ፤ ሃሃ ቢያ ባኣዚ"ና ዶዲሻያ ማዕ ያኣዛሢ፤ ኑ ጎዳሢ ዬሱስ ኪሪስቶስና ዓዶ፤ ያኣዛሢም ጋላታ ሄሎ"ንጎ።

4 ኑኡኒ ያኦሲዳፓ ዴንቃ ዶዶሞና ሚታሢዳ ዓኣ ዓሶ ቢያ ዶዲሻኒ ዳንዳዓንዳጉዲ፤ ያኦሲ' ኑ ሚታዳ ዎዶ"ና ቢያ ኑና ዶዲሻኔ።

5 ኪሪስቶስ ሚታዳ ሜቶ" ኑሞ ሚርጌና ሚታዳሢጉዲ ኪሪስቶስ ዛሎ"ና ዶዶሞ ሚርጌና ኑ ዴንቃንዳኔ።

6 ኑኡኒ ሚታዳ ዎዶ"ና ዒንሢ ዶዶሞና ዳቂንታና ዴንቃኔ። ኑኡኒ ዶዶሞ ዴንቃ ዎዶ"ና ሃሃ ዒንሢያ ኑኡኒ ሚታዳ ሜቶ"ጉዴ ሜቶ ጊቢ" ዳንዳዒ ዶዶሞ ዴንቃኔ፤

7 ኑኡና ዎላ" ዒንሢ ሚታዳሢጉዲ፤ ኑ ዶዶሞዎ ዒንሢ ዴንቃያ ማዕሢ ኑ ዔራሢሮ ዒንሢዳ ኑ ጌሃ፤ ሃጊ ማዓንዳ ዎዞ" ዶዲኬ።

8 ታ ዒሸንሃ! ታ ሚሸንሃ! ዒሲያይዳ ኑ ዓኣንቲ ኑና ሄሌ" ሚታሢ ዒንሢ ዔራንዳጉዲ ኑ ኮዓኔ፤ ዬይ ኑና ሄሌ" ሚታሢ ሚርጌና ኑሞ ዴኤዴያ ማዕሢሮ ኑ ሸምፔና ዓታንዳኔ ጌዒ ማሊባኣሲ።

9 ፔቶ ኑ ሓይቃንዳጉዲ ኑ ዑፃ ዎጊንቲያ ኑሞ ማሊ ጴዴኔ፤ ዬይ ቢያ ኑና ሄሌ"ሢ ሃይቄ ዓሶ ዔቂሳ፤ ያኦሲ ኑ ጉሙርቃንዳጉዲ ማሃንዳፓዓቲም ኑና ኑ ጉሙርቁዎጉዲኬ።

10 ዬያሮ ዒዚ ኑና ዬያ ሓይቦ"ይዳፓ ዳቂሸኔ፤ ሓጊያ ኑና ዳቂሻንዳኔ፤ ኑና ዳቂሻንዳኔ ጌዒ ሃጊ ማዓንዳ ዎዞ ኑ ጌሃሢ ዒዛይዳኬ፤

11 ዬይ፡ ዒንሢ ኑና ሺኢጲያና ማኣዳ"ሢሮ፤ ሚርጌ ዓሶ ሺኢጲያና ኑኡኒ ያኦሲ ማኣዶ ዴንቄም ሚርጌሢ ያኦሲ ጋላታንዳኔ።

ጳውሎስ ኮ ማሌ ማሊያ ሸርሸያ

12 ሓያ ዓጮ"ይዳ ባሽ ዒንሢና ዎላ" ኑ ፔቲሞና ሃሃ ያኦሲዳፓ ማዕ፤ ዲሎ"ሞና ፒዙሞና ኑና ጎንሢ ኑ ዒና" ማርካዳኔ፤ ዬይ ዓሲ ዔራቶናቱዎንቲ ያኦሲ ፔ ኮሹሞና ዒንጋ ዒንጊያ ዎልቆናኬ፤ ዬያሮ ሄርሸንታ ኑኡኮ ዬያናኬ።

1:8 1ቆሮ. 15:3።

13 ናባቢ ዲንህህ ዔራኒ ደንዳዑዋ ባአዚ" ኑ ዲንህህም ፃአፓዓኬ፤ ቢያ ባኮ ዲንህህ ዔራንዳህህያ ታ ጉሙርቃኔ፤

14 ሐህህ ዲንህህ ኑ ዛሎ" ጋፒሲ ዔራዋ ባኮ ጊንፃፓ ጋፒሲ ዲንህህ ዔራንዳህህ ታ ጉሙርቃኔ፤ ጎዳ ዬሱሴ ኬሎ"ና ኑ ዲንህህና ያቶርቃንዳህህጉዲ ዲንህህያ ኑኡና ያቶርቃንዳኔ።

15 ዬይ ባካ ጎኔ ማዔህህ ታ ዔራህህሮ ለሚ ዲንህህም ማዓ ባአዚ" ዲንህህ ዴንቃዳጉዲ ቤርታዲ ዲንህህ ታ ዛጋኒ ማሌንቴኬ።

16 ዬያ ታ ዛጋኒ ማሌህህ' ማቄደኒያ ባንህህ ዓአዳአና ሃህ ዲኢካፓ ማዒ ሙካአናአ ቢያኬ፤ ዬካፓ ዪሁዳ ታ ዓአዳአና ዲንህህ ታና ማአዳ"ንዳኔ ጌዒ ታ ማሌኔ።

17 ጋዓንቴ ዬያ ታ ማላአና ታአኒ ማዳ ባኮ ዔራዋያ፡ ማሊያና ሴካ ሃንጋ ጌዒ ሺራ ዓሲ ማላ? ሃህ ዬያ ማሊያና ፔቴ"ና «ሂዮዋ፡ ዔይዔያ» ጌዒ ጌዒ ዓሲ ማሊህህና ታ ማዳያ ማላ?

18 ያኦሲ ለኡቁዋ ያኦሲ ማዔህህሮ ኑኡኒያ ዲንህህም ኬኤዛህህ «ሂዮዋ፡ ዔይዔያ» ጌዒ ሴካ ሃንጋ ጌይሲ ሺርሻ ባአዚ"ቴዋሴ።

19 ዓይጎሮ ጌዔቴ ታናንታ ሲላሴንታ ጂሞቴዋሴንታ ያኦሲኮ ናዓህ፡ ዬሱሴ ኪሪሰቶሴ ዛሎ" ኑ ዲንህህም ኬኤዛህህ «ሂዮ» ጋዓያና ሌሊ ማዓንዳኢፓዓቴም «ሂዮዋ፡ ዔይዔያ» ጋዓያናቴዋሴ።

20 ያኦሲ ኑም ዲንጌ ሃጊ ማዓንዳ ዋዛ" ቢያ «ሂዮ» ማዒ ኩማንዳህህ ዬሱሴ ኪሪሰቶሴናኬ። ዬያሮኬ ያኦሲ ቦንቾም ኪሪሰቶሴና «ዓአማን» ኑ ጋዓህ።

21 ኑና ማዔቴያ ዲንህህ ኪሪሰቶሴና ኑ ደዳንዳጉዲ ማሄህህ ያኦሲኬ፤ ዲዛም ኑና ደማሴህህያ ዲዛኬ።

22 ዲዛም ኑ ማዔህህ ዔርዛ ማላታ ኑጉዳ ጌህህህና ሃጊ ኑም ዲንጊንታንዳ ባኮኮ ዓያኖ ጌኤኮ ዓይህህ ባአዚ" ማሂ ኑም ዲንጌህህ ዲዛኬ።

23 ታአኒ ቆሮንቶሴ ማዒ ሙኪባአህህ ዲንህህ ያዩሳዓ ጌዒ፡ ሚጪንቴህህናኬ፤ ዬያኮ ያኦሲ ታአኮ ማርካኬ።

24 ዲንህህ ጉሙርቃህህና ደይያ ማዔህህሮ ዲንህህ ዋዛሳኒ ዲንህህና ዋላ" ኑ ማዓንዳኢፓዓቴም ዲንህህ ጉሙርቃንዳ ባኮ ኑ ዲንህህም ኬኤዚ ዓይህያቴዋሴ።

2

1 ዓካሪ ታ ዲንህህ ያዩሳኒ ኮይባአህህሮ ለሚ ታ ዲንህህ ኮይላ" ሙካዓ ጌዒ ማሌኔ።

1:16 ዳኪ. ማዳ" 19፡21። 1:19 ዳኪ. ማዳ" 18፡5።

2 ታ ዒንሢ ያዩሴያ ማዕቴያ ታ ያዩሴ፣ ዒንሢዳፓ ዓታዛ ሜሌ" ታና ዋዛሳንዳይ ያናዳይ?

3 ሓያኮ ቤርታ ታ ዒንሢም ፃኣፔሢ ዒንሢ ኮይላ" ታ ሙካኣና ታና ዋዛሳን ኮይሳ ዓሳ ታና ያዩሴታዮዲ ገዒኸ፤ ዓይጎር ገዒቴ ታ ዋዛዴኔ ገይፃ ዒንሢ ሲያሢ ዋዛዴኔ ገይሢ ማዕሢ ታ ጉሙርቃ።

4 ሚርጌ ያዩ፣ ሜታዲ ማላሢና ሃሣ ሚርጌና ዩኤኪ ዩኤኪ ታ ዒንሢም ፃኣፔሢ ሚርጌ ታ ዒንሢ ናሽካያ ማዕሢ ዒንሢ ዔራንዳጉዲ ገይ ማዕንዳኣፓዓቴም ዒንሢ ያዩሳን ገይቱዋሴ።

ዳቤ ዓሲም ዓቶም ገይሢ ዛላ

5 ዓይጎ ዓሲያ ማዕም ዓሲ ያዩሴይ ዓኣቶ ዒዛኮ ዳቢንቶ ፑኡፐሲ ከኤዚሢቱዋንቴ ዒ ያዩሴሢ ታናቴዋንቴ ዒንሢዳፓ ሚርጌሢ ዒ ያዩሴኔ ገይሢኸ።

6 ዩያጉዴ ዓሢም ዒንሢዳፓ ሚርጌሢ ጌሰቲ ዓጌ ባካ ዒዛም ጊዳንዳኔ።

7 ዩያሮ ዩይ ዓሢ ሚርጌ ያዩሢና ዋዛ ባይዙዋጉዲ፣ ዒዛም ዒንሢ ዓቶም ጋዓንዳያና ዶዲሽንዳያ ኮይሳኔ።

8 ሃሣ ዒንሢ ዒዛ ናሽካያ ማዕያ ገንሣ ጎናሲ ዔርዛንዳጉዲ ታ ዒንሢ ሽኢቃ።

9 ዩያ ከኢቶ" ታ ዒንሢም ፃኣፔሢ ዒንሢ ዛጋኒ ዒንጎ ሜታሢ ዋዲ" ዒንሢ ዶዲ ዓኣሣቴያ ሃሣ ሲያ ዋዴ ታኣኒ ዓይሣ ባኮ ዒንሢ ኩንሣያ ማዕቴያ ዔራኒ ገይኸ።

10 ዒንሢ ዳቢንቶ ዓቶም ጋዓ ዓሢም ታኣኒያ ዓቶም ጋዓንዳኔ፤ ታ ዒዛም ዓቶም ጋዓንዳ ዔርቴ ዳቢንቲ ዓኣቶ ታኣኒ ኪሪሰቶሴ ቤርታ ዒዛም ዓቶም ገዒሢ ዒንሢ ጋቴ ገይኸ።

11 ዩያ ኑ ማዳሢ ፃላሂኮ ገሮ ማሊያ ኑ ዔራሢሮ ካራ ዒ ዴንቁ ገሉዋጉዲ ገይኸ።

ኪሪሰቶሴና ጴዳ ባሺሢ

12 ዩካፓ ኪሪሰቶሴኮ ኮዦ ሃይሶ ከኤዛኒ ፃሮዓዳ ታ ዓኣዴ ዋዶ"ና ጎዳ ዳልጊ ማዶኮ ካራ ታኣም ቡሌ"ንቴ፣

13 ዒኢካ ታኣኒ ታ ዒሻሢ፣ ቲቶ ዴንቁባኣሢሮ ዒና" ታኣኮ ሃውሽባኣሴ። ዩያሮ ዒኢካ ዓኣ ኪሪሰቶሴ ጉሙርቃ ዓሶ ሳራሢ ሜቁደኒያ ታ ዓኣዴ።

14 ጋዓንቴ ቢያ ዋዴ ኪሪሰቶሴ ባሻ ባሺያና ዔኪ ኑና ሃንታሢንታ ኪሪሰቶሴኮ ዓኣ ዔራቶ ቢያ ቤዞ ሳውቃ ቲሽጉዲ ኑ ሄሊ"ሳንዳጉዲ ኑና ማሃ ያኣዛሢም ጋላታ ሄሎ"ም።

2:13 ዳኪ. ማዳ" 20:1።

15 ኩኤኒ ዳቃ ዓሳም ማዕቲያ ባይቃ ዓሳም ኮሺ ሳውሞ ዓኣ
 ዑንጃጉዲ ኪሪሰቶሴ ዛሎ"ና የኦሲም ዒንጊንቴያኩ።
 16 ባይቃ ዓሳም ዋዲያ፥ ሃይቢ ሃይቢ ጌይ ሳውቃያ፤
 ዳቃዞንሚም ጋዓንቴ ኩኤኒ ናንጊ ዒንጋያ ሸምፖ ሳቂኬ፤ ዓካሪ ዬያ
 ማደ" ማደኒ ዳንዳዓሢ ያናደይ?
 17 ኩኤኒ፡ የኦሲ ቃኣሎ" ኮርሞ ባኣዚ"ሮ ዔኪ ሃንታ ሚርጌ
 ዓሳጉዲቱዋሴ፤ ጋዓንቴ ኩኤኒ የኦሲፓ ዳኪንቴ ዓሳጉዲ
 ኪሪሰቶሴና ማዒ የኦሲ ቤርታ ፒዙሞና ኬኤዛ።

3

ዓኮ ጫኣቁሞ ዋደ"ና ማደ ዓሳ

1 ኑ ኑና ጊንሣ ሄሄርሻኔ ጌይሢዳ? ሃሣ ፔቴ" ፔቴ" ዓሳ
 ማደሢጉዲ ዒንሚምታቴያ ዒንሢዳፓ ፒዜ ማደያ ማዒያ ዔርዘ
 ዋርቃታ ኑም ኮይሳኔ ጌይሢዳ?
 2 ዓሲ ቢያ ዒንሢ ዛጋያና ናባባያ፥ ኑ ፒዜ ማደያ ማዒያ ዔርዘ፥
 ኑ ዒና" ፃኣፒንቲ ዓኣሢ ዒንሢኩ።
 3 ዒንሢ፡ ኑ ማደ ማደ"ፓ ጴዴያ፥ ኪሪሰቶሴኮ ፃኣፒንቲ ኪኢታ
 ማዒሢ ዔርቴያኩ፤ ዬይ ኪኢታ" ፃኣፒንቲሢ ናንጊና ናንጋ የኦሲ
 ዓያናና ማዓንዳኣፓዓቴም ዓሲ ፃኣፓ ባኣዚ"ናቱዋሴ፤ ሃሣ ዬይ
 ዓሲ ዒናይዳ ፃኣፒንቲያኩ፤ ዓርሲንቴ ሹቸዳ ፃኣፖናጉቱዋሴ።
 4 ዬያ ኑ ጋዓሢ ኪሪሰቶሴ ዛሎ"ና የኦሲ ጉሙርቁኩ።
 5 ኑ ማደ ማደ" ማደንዳጉዲ ዋልቁ ኑም ዒንጋሢ የኦሲ
 ማዓንዳኣፓዓቴም ኩኤኒ ኑ ቶኦኪና ዓይጎሞ ማደኒ ዋልቁ ኩኤኮ
 ባኣሴ።
 6 ዓኮ ጫኣቁሞ ዋደ" ማደ" ኑ ማደንዳጉዲ ማሄሢ የኦሲኬ፤
 ዬይ ፃኣፒንቲ ዋጎናቱዋንቴ ዓያኖ ጌኤዢ ዛሎ"ና ማዒያኩ፤
 ፃኣፒንቲ ዋጋ" ዋዋዳ፤ ዓያኖ ጌኤዢ ጋዓንቴ ሸምፖ ዒንጋኔ።
 7 ፃኣፒንቲ ዋጎ ቆኦቂ ኮሺ"ናሢ ዓርሲንቴ ሹጮይዳኬ፤ ዋጋ
 ዒንጊንቴ ዋደ"ና የኦሲ ቦንቻ ፔጋዲ ጴዴ፤ ሙሴኮ ዓኣፖ
 ካሮ"ይዳ ፖዔ ፖዓ ባይቂ ባይቂ ዓኣዳያ ማዒያ ዒሰራዔኤሌ
 ዓሳ ሙሴኮ ዓኣፖ ካሮ" ኮሺ" ዛጋኒ ዳንዳዒባኣሴ፤ ዓካሪ ዋደ
 ዋጋ" ዬያጉዴ ቦንቻና ጴዴያ ማዒያ።
 8 ዓያኖ ጌኤዢ ዛሎ"ና ማደንታ ማደ" ዋዚ ባሺ ቦንቻ ዓኣያ
 ማዓንዳይ!

3:3 ኬሲ. ማፃ 24፥12፤ ዔር. 31፥33፤ ሂዚ. 11፥19፤ 36፥26። 3:6 ዔር. 31፥31።
 3:7 ኬሲ. ማፃ 34፥29።

9 ዓሳ «ዳቤኔ» ጌራ ዋጋ ማዳ" ይያይዲ ቦንቸንታያ ማዕቲ ዓሳ ደቂሻ ማዳ" ዋዚ ባሼ ቦንቸ ዓኣያ ማዓንዳይ!

10 ቤርታ ቦንቸንቲያ ማዕ ማዳ" ሃሢ ባሼ ቦንቸንቲ ማዳ"ና ዋላ" ቤኤዚ ዛጎዛ ቦንቸ ባኣ ባኣዚ" ማዒ ጴዳኔ።

11 ዬይ ባይቃያ ማዕ ባካ ዬያጉዴ ቦንቸና ዓኣያ ማዕቲ ናንጊና ባይቁዋዎ ናንጋ ባኮኮ ባሼ ቦንቸ ዓኣኔ ጌይሢኬ።

12 ዬያጉዴ ሃጊ ማዓንዳ ዋዛ ኑኡኮ ዓኣሢሮ ዑሣ ዓኣዳ ጫርቂ ኑ ኬኤዛኔ።

13 ሙሴኮ ዓኣፖ ካራ" ፖዓሢ ሓሻኣና ዒሰራዔኤሌ ዓሳ ዒዛኮ ዓኣፖ ካሮ" ዴንቁዋጉዲ ዓኣፖ ካሮ" ዒ ካንቃኔ፤ ኑኡኒ ጋዓንቲ ዒዛ ጉዲቱዋሴ።

14 ዒሰራዔኤሌ ዓሳኮ ዒና" ዔኩዋያ ማዒ ጎኔና ዶጪ ዓኣኔ፤ ሃሮ" ሃላ"ንዳኣና ሚናኣ ጫኣቃሢ ማፃኣፖ ዔያታ ናባባኣና ዒና" ዔያቶኮ ዬና ካንቆ ዓፒሌሎና ካንቁንታያኬ፤ ጋዓንቲ ዬና" ካንቃ ባኬላ ባይቃንዳሢ ኪሪሰቶሴ ዛሎ"ና ሌሊኬ።

15 ሃሮ" ሃላ"ንዳኣና ሙሴ ዔርዜ ዋጎ ማፃኣፖ ዔያታ ናባባኣና ዒና" ዔያቶኮ ዬና ባኬሎና ካንቁንታኔ።

16 ጋዓንቲ ዬና ባኬላ ሺኢካኒ ዳንዳዓኔ፤ ጌኡኩ ማፃኣፖይዳ፡- «ሙሴ ጎዳ ባንሢ ማዓዛ ካንቃ ባኬላ ሺኢኬ» ጋዓኔ።

17 ዬያሮ ጎዳ ጌይንቲሢ ዓያኖኬ፤ ጎዳኮ ዓያና" ዓኣ ቤሰካ ዓይሉሞ ባኣሴ።

18 ዬያሮ ኑ ቢያሢ ጎዳኮ ቦንቸ ካንቁንቲባኣ ዓኣፒ ካራና ፖዒ፤ ፔጋሲ ዳዋኔ፤ ዓያና ማዕ ጎዳይዳፓ ጴዳ ሃይ ቦንቻ ቦንቸይዳ ቦንቸ ኑም ቃሲ" ቃሲ" ዓዳ" ጎዳ ኑ ማላንዳጉዲ ማሃኔ።

4

ጾኣሲ ማዳ"ሞ ዳኪንቲዞንሢኮ ጉሙርቁንቲ ማዳ"

1 ጾኣሲ ፔ ኮሹሞና ሃያ ማዳ" ኑም ዒንጌሢሮ ሓጋኣ ዋዛባኣ ዓሲ ኑ ማዓዓኬ።

2 ዔርቲባኣ ባኮና ቦርሳያ ማዕ ባኮ ኑ ሃሹ"ኔ፤ ጌሺሢ ማዳዋ ኑ ማዳዋሴ፤ ጾኣሲኮ ቃኣሎ" ሉኡዙሞ ባኣዚ"ና ዋላ" ኑ ሲኢናዋሴ፤ ጋዓንቲ ጎኡሞ ፔጋሲ፤ ፔጋ ኬኤዛኔ፤ ማሊያ ኑኡሲያ ዓሲሞ ቢያ ፔጋሲ ፔጋሲ ጾኣሲ ቤርታ ኑ ናንጋኔ።

3 ኑ ኬኤዛ ኮኩ ሃይሳ ዔርቲዋያ ማዕቲያ ዔርቲዋያ ማዓሢ ባይቃ ዓሳሞኬ።

3:13 ኬሲ. ማፃ 34፡33። 3:16 ኬሲ. ማፃ 34፡34።

4 ዔያታ ኑ ኬኤዛ ባኮ ጉሙርቁዋአሢ ሃያ ዓጮ"ኮ ያኦሲ ማዔ፥ ፃላሄ ዒኖ" ዔያቶኮ ባይዜሢሮኬ፤ ያኦሲ ማሎና ጴዳ፥ ኪሪሰቶሴ ቦንቾ ዛሎ" ኬኤዚንቴ ኮዠ ሃይሶይዳፓ ጴዳ ፖፃ ዴንቁዋጉዲ ዔያቶ ማሄሢ ዒዛኬ።

5 ኑኡኒ ኬኤዛሢ' ዩሱሰ ኪሪሰቶሴ ጎዳ ማዔሢና ኑኡኒያ ኑ ቶኦኪና ዩሱሴ ዛሎ"ና ዒንሢሞ ማዳያ ማዒፃ ማዓንዳኣፓዓቴሞ ኑ ዛላ ኑ ኬኤዘቀሴ።

6 ዓይጎሮ ጌዔቴ፡- «ፖዓ ዲሞይዳ ፖፃንጎ» ጌዔ ያኦዛሢ ኪሪሰቶሴ ማሎና ፖዓ፥ ያኦሲ ቦንቾ ዔርዛ ፖዒ ኑሞ ዒንገንጎጎዳጉዲ ፖፃ ኑኡኮ ዒኖይዳ ፖዒሄ።

ፆቲ ጋርካ ጌሢንቴ ኮይዚንጎ ማሄ

7 ጋዓንቴ ሃይ ዴኤፖ ዋልቃ ያኦሲዳፓ ማዓንዳኣፓዓቴሞ ኑኡር ማዒባአሢ ዔርታንዳጉዲ ሃያ ቦንቾ ባኮ ፆቲ ማዒ ኑ ዓርቁ ዓኣኔ።

8 ቢያ ዛሎ"ና ማታ ኑና ሄላ"ኔ፤ ጋዓንቴ ኑ ባሺንጉቀሴ፤ ሚርጌና ዔርቲ ዒፃ ባኣዚ" ኑ ጊዳ" ሙካኔ፤ ማዔቴያ ኑ ሃጊ ማዓንዳ ዋዛ ባይዘቀሴ፤

9 ኑና ዒፃ ዓሳ ዳውሳኔ፤ ጋዓንቴ ላጌ ኑ ባይዚ ቤቁባኣሴ፤ ጳዳንቴ ኑ ሎኦማኔ፤ ጋዓንቴ ኑ ባይቁሴ፤

10 ዩሱሴኮ ሃይቦ" ባሺ ሸምፓሢ ኑ ዑፃ ፔፓዲ ዔርታንዳጉዲ ቢያ ዋዴ ዩሱሴኮ ሃይቦ" ኑ ዑፃ ኑ ኬዲ ሃንታኔ።

11 ዒዛኮ ሃይቦ" ባሺ፥ ሸምፓሢ ኑኡኮ ሃይቃ ዑይይዳ ፔፓዲ ዔርታንዳጉዲ ጌዒ ኑኡኒ ሃሢ ሸምፖና ዓኣ ዓሳ ቢያ ኬሊ" ዩሱሴ ዛሎ"ሮ ሃይቁፃ ዓቲ ዓቲ ዓኣኔ።

12 ዓካሪ ኑኡኒ ሓይቁፃ ዓቲ ዓቲ ናንጋኔ፤ ዒንሢ ጋዓንቴ ሸምፖና ናንጋኔ።

13 ጌኤዠ ማፃኣፖይዳ፡- «ታ ጉሙርቃሢሮ ኬኤዘኔ» ጌይንቴ ፃኣፒንቴሢጉዲ፥ ኑኡኒያ ዩኖ ዓያኖና ጉሙርቃኔ፤ ዩያሮ ኑ ኬኤዘኔ።

14 ጎዳ ዩሱሴ ሃይባ"ፓ ዔቁሴ ያኦዛሢ ኑናኣ ዩሱሴና ዋላ" ዔቁሴ፥ ዒንሢና ዋላ" ፔ ቤርቶ ሺኢሻንዳሢ ኑ ዔራኔ።

15 ዩይ ቢያ ዒንሢ ማኣዳ"ንዳጉዲ ማዔኔ፤ ያኦሲኮ ኮሹሞ ዒንገፃ ሚርጌ ዓሰሞ ዒንገንጎጎ ዒንገንጎጎ ዓኣሢ ዩይ ዓሳ ያኦሲ ሚርጌና ጋላታንዳጉዲና ቦንቻንዳጉዲኬ።

ጎዳ ጉሙርቁ ናንገሢ

4:6 ማዢ. ማፃ 1፥3። 4:13 ዓይኑ. 116፥10።

16 ዬያሮ ኑ ሃጋኦ ዋዛባኦ ሳሲ ማዓዓኬ፤ ዋዚ ኑኡኮ ዙላ" ጴዳ፤
ዑፃ ባይቃያ ማዔቲያ ጋሮ ዑፃ ኑኡኮ ቢያ ከሌ" ዓካዳኔ።

17 ዋይቲ ጌዔቲ ሃይ ሹሌዔ፤ ሃሣ ዳካ" ዋዴሮ ማዔ ሜታሣ
ቤቃያባኦ፤ ናንጊና ናንጋ ቦንቾ ኑም ጴዳሻንዳኔ።

18 ኑኡኒ ዛጊ ዓኣሢ፡- ጴዳ ባኮቲዋንቲ ጴዳዋ ባኮኬ፤ ዓይጎሮ
ጌዔቲ ጴዳ ባካ ሃሣኦ ባኦዚ" ሌሊኬ፤ ጴዳዋ ባካ ጋዓንቲ ናንጊና
ባይቁዋ ባኦዚ" ማዔሣረኬ።

5

1 ሓይ ዉልሻ ማላ፤ ዳካ" ዋዴሮ ማዔ ዑፃ ኑኡኮ ባይቁቲያ ሳሲ
ማዢባኦያ፤ ያኦሲ ማዢ ናንጊና ናንጎ ማኦሪ ኑኡኮ ጫሪንጮይዳ
ዓኣሢ ኑ ዔራኔ።

2 ሃይካ ሳዖይዳ ኑ ዓኦፃ ጫሪንጮይዳ ዓኦ ማኦሮ ኑኡኮ ጌላኒ
ኮዒ ሚርጌና ማሊ ኑ ሜታዳኔ።

3 ዬያ ማኦሮይዳ ኑ ጌሌ ዋዶ"ና ማኦሪባኦያ ካሎ" ኑ ማዓዓኬ።

4 ሓያ ዉልሻጉዴ ማኦሮይዳ ኑ ናንጋ ናንጋ ዴኤፃም፤ ኑ ሚርጌና
ማሊ ሜታዳኔ፤ ኑ ዬያይዲ ማሊ ሜታዳሢያ ኑኡኮ ሃይቃ ዑፃ ናንጎና
ዔኤዲንቶም ጊዳ" ቃቃሳኒ ማዓንዳፓዓቲም ኑፓ ሺኦሻኒቲዋሴ።

5 ያዲ ማዓንዳጉዲ ኑና ጊኦጊሹሢ ያኦሲኬ፤ ኑም ሃጊ ማዓንዳ
ባኮኮ ቢያ ዓይሢ ባኦዚ" ማዓንዳጉዲ ፔኤኮ ዓያኖዋ ኑም
ዒንጌሢ ዒዛኬ።

6 ኑኡኮ ሳዖይዳ ናንጎ ማኦሮ ማዔ ዑፃና ኑ ዓኦ ዋዶ"ማና
ጎዳይዳፓ ኑ ሃኪ ናንጋሢ ዔራያ ማዔቲያ ቢያ ዋዴ ዒጊጩዋፃ ጎዳ
ጉሙርቁ ኑ ናንጋኔ።

7 ኑኡኒ ናንጋሢ ጎዳ ጉሙርቁሢና ማዓንዳኦፓዓቲም
ዛጊሢናቲዋሴ።

8 ሓያ ኑኡኮ ማኦሮ ማዔ ዑፃይዳፓ ዲማዲ ጎዳና ናንጋኒ ኑኡኒ
ኮዓኔ፤ ጫርቁኬ ኑ ጌሰታሢ።

9 ዬያሮ ሓያ ኑኡኮ ዑፃና ኑ ዓኦቲያ ዲማዲ ኑ ናንጌቲያ ኑኡኮ
ማሊፃ ጎዳ ዋዛሲሢ።

10 ፔቲ" ፔቲ"ሢ ፔ ናንጌ ዋዶ"ና ማዴማ ጉዴያ፤ ኮሺ ማዔቲያ
ፑርታ ማዴ ማዴ" ዛሎ" ዒንጊንታ ባኮ ዔካኒ ኪሪሰቶሴኮ ዋጎ ዋጎ
ቤዞ ሺኦኪ ዔካንዳኔ።

ኪሪሰቶሴ ዛሎ"ና ጊኦጊሹሢ ማዴ

11 ያኦሲ ዒጊጩሢ ዋዚ ጌይሢታቲያ ኑ ዔራሢረ ዓሳ ኑ ጋዓ
ባኮ ጎኔኬ ጌይ ዔካንዳጉዲ ኑ ማዳኔ፤ ኑኡኒ ዖናሢታቲያ ያኦሲ

ኑና ዔራሪ፤ ዒንሢያ ሃሣ ዒንሢ ዒኖና ኑኑኒ ያናንሢታቴያ ዔራሪ ጌይ ታ ማላ።

12 ጋርሲ ዒናይዳ ዓኣ ባኣዚ "ቱዋንቴ፣ ዙላ" ዓሲም ጴዳ ባኣዚ "ና ሄርሺንታ ዓሶም ዒንሢ ማሂ ከኤዛኒ ኑኑና ዒንሢ ሄርሺንታንዳጉዲ ማዓንዳኣፓዓቴም ላሚ ገንሣ ኑኑኮ ያኑዋ ዒንሢም ኑ ከኤዛኒቱዋሴ።

13 ኑ ዣኣሸካ ዓሲ ማዔቴያ ያኦሲሮ ጌይኬ፤ ሃሣ ዒናና ዓኣ ዓሲ ኑ ማዔቴ ዒንሢሮ ጌይኬ።

14 ከሪሰቶሴኮ ናሹማ ኑና ዬያ ማዲሻኔ፤ ፔቴ"ሢ ሲያሢ ዛሎ" ሃይቄሢሮ ሲያሢ ዒዛና ዋላ" ሃይቄያ ማዔሢ ኑ ዔራሪ።

15 ሺምፔና ዓኣዘንሢ ሲያ ዔያቶ ጋይቴ ሓይቄ ሓይባ"ፓ ዔቄሢም ናንጋንዳኣፓዓቴም ሃይካፓ ሴካ ፔኤም ጌዒ ናንጉዋጉዲ ከሪሰቶሴ ሲያሢም ሓይቄ።

16 ዬያሮ ሃይፓ ሴካ ያናኣ ኑ ዓሲ ዛጋ ዓኣፕና ዛጋዓኬ፤ ሃያኮ ቤርታ ከሪሰቶሴ ኑ ዛጌሢ ዓሲ ዛጋ ዓኣፕና ማዔቴያ ሃካፓ ሴካ ጋንጉቴ ኑ ዛጋንዳሢ ዬያ ጎይጆቱዋሴ።

17 ዬያሮ ያኣኒያ ከሪሰቶሴና ዋላ" ፔቴ" ማዔቴ ዓከ ማዣገገቴኬ፤ ቤርታኣ ባካ ዓኣዳኔ፤ ዬያ ቤዘ ዓከ ባኣዚ" ዓርቄ፤ ጌይሢኬ።

18 ዬይ ቢያ ያዲ ማዔሢ ኑና ፔኤና ዋላ" ከሪሰቶሴ ዛሎ"ና ገኢጊሼሢሮ፣ ገኢጊሼያ ማዲ"ዋ ኑም ዒንጌ ያኣዛሢ ዛሎ"ናኬ።

19 ዬይያ ያኦሲ' ከሪሰቶሴ ዛሎ"ና ዓሶ ቢያ ፔኤና ዋላ" ገኢጊሼ፤ ጌይሢኬ፤ ሃሣ ዳቢንቶዋ ዔያቶኮ ዓርቄባኣሴ፤ ኑኑማኣ ዬያ ዓሶ ገኢጊሻ ቃኣሎ" ዒንጌ።

20 ያኦሲ' ዓሶ ፔ ባንሢ ኑ ዛሎ"ና ዔኤላ"ሢሮ ኑኑኒ ከሪሰቶሴ ዛሎ" ማዒ ጌሰታያኬ፤ ዬያሮ፡- «ያኦሲና ዋላ" ገኢጉዋቴ» ጌዒ ከሪሰቶሴ ሱ"ንያና ኑ ዒንሢ ሸኢቃ።

21 ኑኑኒ ከሪሰቶሴና ዋላ" ፔቴ" ማዒ ያኦሲ ዒሉ"ዋ ዴንቃንዳጉዲ ጎሜባኣ ከሪሰቶሴ ኑኑኮ ጎሞ ኬዳንዳጉዲ ያኦሲ ማሄ።

6

1 ያኦሲና ዋላ" ኑኑኒ ማዲያ ማዔያታሢሮ፡- «ዒንሢ ያኦሲዳፓ ዔኬ፣ ዒ ፔ ኮሹሞና ዒንጌ ዒንጊያ ጉሪ ማሂፖቴ» ጌይ ኑ ዒንሢ ሸኢቃ።

2 ያኦሲ ከኤዛያ፡- «ታ ኔኤም ኮሺ ባኣዚ" ማዲንዳኔ ጌዔ ከላ"

ሄሌ" ወደ"ማና ታ ኔኤም ዋይዘኔ፤
 ታ ኔና ዳቁሻንዳኔ ጌዔ ኬላ"
 ሄሌ" ወደ"ማና ታ ኔና ማኣዳ"ኔ» ጋዓሢሮ
 «ሐይሾ ዓካሪ ጌይንቴ ዋዳ" ሃያኬ፤
 ዳቁንቶ ኬላ"አ ሃኖ"ኬ።»

3 ኑ ማዳ ማዳ" ለሂንቴዋጉዲ ዓይጎ ባአዚ"ና ማዔቴያ ዖኦማአ
 ዲቆ ኑ ማዓዓኬ።

4 ጋዓንቴ ኑና ሄላ" ሜቶና ሄላ" ባኮ ቢያ፤ ሃሣ ዋአዪሳ ሜቶ ቢያ
 ጊቢ" ዳንዳዒሢና ዖኦሲም ማዳ ዓሲ ማዒያ ቢያ ዛሎ"ና ኑ ፔጋሲ
 ዔርዘኔ።

5 ዖኦሲም ማዳ ዓሲ ማዒያ ኑ ዔርዘሢሢ:- ዠራፓና ጳዲንቴ፤
 ቱኡቴ፤ ዓሲና ዣሊ፤ ሚርጌ ማዲ ላቢ"ንቴ፤ ጊንጾ ዓቴሢና
 ናይዲንቴሢሢ።

6 ዩያጉዲ ሃሣ ጌኤሹሞና፤ ዔራቶና፤ ጊቢ" ዳንዳዒሢና፤
 ኮሹሞና፤ ዓያና ጌኤሺ ዳዋ ጎይያ ሃንቴሢና፤ ጎኔ ናሹሞና፤

7 ጎኔ ባኮ ኬኤዚሢሢና ዖኦሲ ዋልቄና ማዲያናኬ፤ ዔኤቢ ባሻኒ
 ማዔቴያ ኑ ጊዳ" ሙካ ባኮ ላአጋኒ ዳንዳዒሳ ዓንጋም ኑኡኮ
 ማዓሢ ጂሎ"ሞኬ።

8 ለንቸንቴሢና ዳውሲንቴሢና ጋላቴንቴሢና ጫሽኪንቴሢና ኑ
 ናንጌኔ፤ ሃሣ ኑ ጎኔ ኬኤዛ ዓሲታጾ ሉኡዚ ዓሲ ጌይንቴኔ፤

9 ኑ ዔርቴ ዓሲታጾ ዔርቴባአ ዓሲ ማዔኔ፤ ሃይቄኔ ኑ
 ጌይንቴያታጾ ሃሢ ሹምፔና ኑ ዓኣኔ፤ ኑኡኒ ጳርቁንቴቴያ ኑና
 ዋዲሲኦኦ፤

10 ኑና ዖዪሶናያ ማዔቴያ ቢያ ዎዴ ኑ ዎዎዛዳያኬ፤ ኑ ማንቆ
 ዓሲታጾ ሚርጌሢ ኑ ዖርጎቻኔ፤ ዓይጎ ባአዚ"ያ ባአ ዓሲታጾ ቢያ ባካ
 ኑኡሮ ማዔያኬ።

11 ዒንሢ ቆሮንቶሴይዳ ናንጋ ዓሳ! ታ ዒንሢም ፔጌና ኬኤዘኔ፤
 ዒኖ" ኑኡኮ ኑ ዒንሢም ዳዊ ሃሹ"ኔ።

12 ዒንሢ ዒንሢኮ ዒኖ" ኑም ዳዊ ሃሹ"ባአፓዓቴም ኑ ዒኖ"
 ዒንሢም ዳዊ ኑ ሃሹ"ኔ።

13 ታኣኮ ዒንሢ ናኣቶ" ማዔሢሮ ታ ዒንሢም ኬኤዛሢ:-
 «ዒንሢያ ዒማይዲ፤ ሚርጌና ዒኖ" ዒንሢኮ ኑም ዳዊ
 ሃሻ"ንዳጉዲ» ጌይኬ።

ኪሪሰቶሴ ጉሙርቁዋ ዓሶና ዎላ" ፔቱሞ ላኣጊንቴጾ

6:2 ዒሲ. 49:8። 6:5 ዳኪ. ማዲ" 16:23።

14 ኪሪስቶስ ጉሙርቁዋ ዓሰና ዎላ" ኮይሱዋ ጎይሢና ፔቴ" ማዒፖቴ፤ ዲሎ"ሞና ጎሚና ፔቴ" ማዒኒ ዳንዳዓ? ፖሲና ዲሚና ዎላ" ዎዲ" ናንጋኒ ዳንዳዓይ?

15 ኪሪስቶስና ዲያብሎስና ዎይቲ ዎላ" ጊኢጋኒ ዳንዳዓይ? ኪሪስቶስ ጉሙርቁዋ ዓሰና ጉሙርቁዋ ዓሰና ዎይቲ ፔቴ" ማዒኒ ዳንዳዓይ?

16 ያኦሲኮ ጌኤኮ ማአሮና ሜሌ" ያኦዘናኮ ዓይጎ ፔቴሞ ዓኣይ? ያኦሲ:-

«ታ ናንጋ ማአሮ፣ ታ ዴሮ" ባኣካ" ታ ማሃንዳኔ፤

ዔያቶና ዎላ" ታ ናንጋንዳኔ፤

ታ ዔያቶኮ ያኦዛሢ ማዒንዳኔ፤

ዔያታኣ ታ ዴሬ ማዒንዳኔ»

ጌዔሢጉዲ ኦኦኒ ባይቁዎ ያኦዛሢሞ ዲማዴ ማኣሪኬ።

17 ሐሣ ያኦሲ ኬኤዛዎ:-

«ዔያቶ ባኣካ"ፓ ዲማዲ ኬስኩዎቴ፣

ዒኢቲ ባኮ ካኣሚፖቴ፤

ታኣኒያ ዒንሢ ታ ዓሲ ማሃንዳኔ፤

18 ታ ዒንሢኮ ዓዶ ማዒንዳኔ፤

ዒንሢ ታኣኮ ዓቲንቆና ዉዲሮ ናኣቶ"ና ማዒንዳኔ፤

ጋዓኔ፤ ቢያ ባኣዚ" ዳንዳዓ ጎዳሢ።»

7

1 ዓካሪ ታ ዒጊኖንሢዮቴ! ሓይ ቢያ ሃጊ ማዒንዳ ዎዛ" ዒንጊንቴሢ፡ ኦሞ ማዔሢሮ ዓሲኮ ዑሢና ዓሲኮ ጋሮ ዓያኖና ዒኢሳ፣ ዓይጎ ባኣዚ"ዳፓኣ ኦ ቶኦኮ" ኦ ጌኤሾሞ፤ ያኦሲ ዒጊጨሢሢና ዒዛሞ ኦኦኮ ዲማዲያ ዔርቴያ ኦ ማሆሞ።

ጳውሎስ ዎዛዴ ዎዛ

2 ዒኖ" ዒንሢኮ ኦሞ ዳዊ ሃሹ"ዎቴ፤ ያኦማኣ ኦ ፑርታ ማዲባኣሴ፣ ያናኣ ኦ ዳቢሲባኣሴ፤ ሃሣ ያናኣ ኦ ጌሺ ዎልቆ ሙይባኣሴ።

3 ዬያ ታ ጋዓሢ፡- «ዒንሢ ዳቤኔ» ጋዓኒ ጌይቱዎሴ፤ ዓይጎሮ ጌዔቴ ሃያኮ ቤርታ ኦ ዒንሢሞ ጌዔሢጉዲ ዒንሢ ኦ ዒና"ፓ ባይቁባኣሴ፤ ዬያሮ ኦ ናንጌቴያ ሓይቁቴያ ቢያ ዎዴ ዒንሢና ዎላ"ኬ።

6:16 ለዊ. ዓከ 26፣12፤ ሂዚ. 37፣27፤ 1ቆሮ. 3፣16፤ 6፣19። 6:17 ዒሲ. 52፣11።

6:18 2ሳሙ. 7፣14፤ 1ዮኦሲ. ዓሃኬ 17፣13፤ ዒሲ. 43፣6፤ ዔር. 31፣9።

4 ዒንሢ ታ ኮሺ" ጉሙርቃኔ፤ ሃሃ ዒንሢና ታ ኮሺ" ሄርሺንታኔ፤ ኑ ሜታዳኣና ቢያ ዳኔፔ ደዲሞ ታ ዴንቃኔ፤ ታ ዋዛዳ ዋዘኮዋ ጋፒንሢ ባኣያኩ።

5 ሜቄደኒያ ኑ ሄሌ"ያናታዎ ሚርጌ ዛላና ሜታ ኑና ሄሌ"ያፓዓቱም ሃውሺሢ ኑኡኮ ባኣያ ማዔኔ፤ ዙላ"፣ ሜሌ" ዓሳፓ ሙካ ባኮና ሃሃ ኑ ዒና" ኑና ዒጊቻ ባኮና ኑ ሚርጌ ሜታዳኔ።

6 ጋዓንቴ ያያ ዓሶ ደዲሻ፣ ያኦዛሢ ቲቶ ኑ ኮራ ዳኪያና ኑና ደዲሺኔ።

7 ኑ ደዴሢ" ዒዛኮ ኑ ኮራ ሙኪያና ሌሊ ማዒባኣንቴ ዒንሢ ዒዛ ደዲሺያ ማዔሢያ ኑ ዋይዜሢሮኩ። ሃሃ ዒንሢ ታና ጳቂሃሢያ፣ ታ ዛሎ"ሮ ዒንሢ ያያ፤ ገንሢ ሃሃ ታና ሚጪንቴ ዒንሢ ማላ ማሊያ ኑም ዒ ኩኤዛዛ ሚርጌና ታ ዋዛዳኔ።

8 ሃያኮ ቤርታ ታ ዒንሢም ፃኣፔ ኪኢታ" ዒንሢ ያይሴያ ማዔቲያ ዬያ ፃኣፔያ «ዳቤኔ» ታና ታ ጎዑዋሴ፤ ታ ታና «ዳቤኔ» ጌዔቲያ ዬይ ታ ፃኣፔ ኪኢታ" ዳካ" ዋዴሮ ሌሊ ዒንሢ ያዩሴሢ ታ ዔሬኔ።

9 ሃሢ ታ ሚርጌና ዋዛዳኔ፤ ታ ዋዛዳሢያ ዒንሢ ያዩሴሢሮቱዋንቴ ዒንሢኮ ያዩፃ ዒንሢኮ ዳቢንቶ ዒንሢም ዔርዜም፣ ዒንሢ ዬያፓ ማዔያታሢሮኩ፤ ዓካሪ ዒንሢኮ ያዩፃ ያኦሲ ማሊሢጉዲ ማዔሢሮ ዓይጎዋ ኑ ዒንሢም ፑርቲሲባኣሴ ጌይሢኩ።

10 ያኦሲ ማሊሢጉዴያ ማዔ ያዩሢ፡- ዳቂንታ ባንሢ ዔኪ ሙካ፣ ጎሜ ቡኡዲም ገኢጊሻሢሮ «ዓይጋ ዬይ ማዔይ» ጌይሳያቱዋሴ። ሃያ ዓጮ" ዛሎ"ና ሙካ ያዩሢ ጋዓንቴ ሐይቢ ዔኪ ሙካኔ።

11 ዬይ ያኦሲ ማሊያ ጉዴያ ማዔ ያዩፃ፡ ደዲ ዒንሢ ማላንዳጉዲና ዳቢንቲባኣያ፣ ጌኤሺ ዒንሢ ማዔሢ ዔርዘንዳጉዲ ዒንሢ ማሄኔ፤ ዬያጉዲ ሃሃ ጎሜ ማዔ ባኣዚ" ዒንሢ ዒፃያ ማዓንዳጉዲ፣ ታ ዘሮ" ዒንሢ ዒጊጪ ዔካንዳጉዲ፣ ታና ዒንሢ ጳቂሃንዳጉዲ፣ ዓያና ዓኣ ማሊሢና ፒዜ ዒንሢ ዋጋንዳጉዲና ዳቢንቲሢያ ዒንሢ ጎራ"ንዳጉዲ ዒንሢ ማሄኔ። ዬያ ባኮ ቢያና ዒንሢ ጌኤሺ ማዔሢ ዒንሢ ዔርዜኔ።

12 ዓካሪ ታ ዒንሢም ፃኣፔሢ፡- ኑ ዛሎ" ዒንሢ ማላ ማሊያ ያኦሲ ቤርቶይዳ ጌኤሺ ማዒ ዒንሢም ጴዳንዳጉዲ ማዓንዳኣፓዓቱም ዳቢንቲ ዓሲና ፑርታ ባኣዚ" ማዲንቲ ዓሲና ዛላቱዋሴ።

13 ኑ ደዴሢያ ዬያ ዛሎ"ናኩ።

ሃሣ ኑኡኮ ደደመፓ ባሼ ቲቶ ዋዛዴሢሮ ሚርጌና ኑዋ ዋዛዴኔ፤
ዓይጎር ጌዔቲ ዒንሢ ሲያሢ ቲቶ ደዲሺያና ዒዛኮ ዒኖ"
ሃውሺሴሢሮኩ።

14 ዒንሢና ታ ሄርሺንታ ሄርሺንቶ ቲቶም ታ ኬኤዜኔ፤ ዒንሢ ታና
ዬያና ቦርሲሲባኣሴ። ሲያ ዋዴ ኑ ዒንሢም ኬኤዛ ባካ ጎኔ ባኣዚ"
ማዔሢጉዲ፣ ዒንሢ ዛሎ" ሄርሺንቲ ቲቶም ኑ ኬኤዜ ባካ ጎኔ
ማዔሢ ዔርቴኔ።

15 ሲያሢ ዒንሢ ዓይሢንታያታሢና ዒጊቹሞና ጎጋይቂ ዒንሢ
ዒዛ ሾኦቹንሢ ዔኬሢ ዒዚ ጳቂሣኣና ዒንሢ ዒ ዑሣ ዓኣዴ
ናሽካንዳጉዲ ማሄኔ።

16 ታኣኒያ ጉቤ ባኣዚ"ና ዒንሢ ጉሙርቃኒ ዳንዳዒያና ሚርጌ
ዋዛዴኔ።

8

ኪሪሰቶሴ ጉሙርቃ ዓሶኮ ማኣዳሢ ዒንጊያ

1 ታ ዒሾንሣ! ታ ሚሾንሣ! ያኦሲ ማቄደኒያይዳ ዓኣ፣
ኪሪሰቶሴ ጉሙርቃ ሺኢጲያ ማኣሮ ዓሶም ዒንጌ ኮሹሞ ዒንጊያ
ዒንሢ ዔራጎዳጉዲ ኑ ኮዓኔ።

2 ደዲ ማታ ዔያቶ ሄሌ"ያ ማዔቲያ ዔያታ ሚርጌና ዋዛዳያኬ፤
ሃሣ ኮሺ" ዔያታ ማንቆ ማዔቲያ ኮሹሞና ዔያታ ዒንጌ ዒንጊያ
ሚርጌኬ።

3 ዔያቶም ዳንዳዒንታሢጉዲቱዋንቲ ዑሣ ዓኣሢ ፔ ናሹሞና
ዔያታ ዒንጌሢ ታ ዔያቶ ዛሎ" ማርካዳኔ።

4 ዪሁዳይዳ ዓኣ፣ ኪሪሰቶሴ ጉሙርቃ ዓሶ ዔያታ ማኣዳ"ኒ
ኮዒ ሚርጌና ኑና ሺኢቄኔ፤

5 ዔያታ ማዴ ባኮ ኑ «ዔያታ ማዳንዳያ ናንዳኔ» ጌዒ ማሌሰካፓ
ዑሣኬ፤ ዔያታ ቤርታሲ ፔና ጎዳሢም ዒንጌኔ፤ ዬካፓ ጊንሣ ያኦሲ
ማሊያጉዴያ ፔ ቶኦኮ" ኑም ዒንጌኔ።

6 ዬያ ማዶ" ቤርታ ማዲሾ ዓርቄሢ ቲቶ ማዔሢሮ ሃሢ ዬይ
ዒንሢ ኮሹሞና ዒንጎ ዒንጊያ ጋፒንሢ ሄሊ"ሲ ዒ ማዲሻንዳጉዲ
ኑ ዒዛ ሺኢቄኔ።

7 ዒንሢ ኪሪሰቶሴ ጉሙርቄያና ማያም ጌሰቶ ጌኤሲና፣
ዔራቶና፣ ዓሲ ማኣዳ"ኒ ዒንሢኮ ዓኣ ደደ ማሊያና፤ ሃሣ ኑና
ዒንሢ ናሽካ ናሹሞና ማዔቲያ ዴኤፒ ማዶ ዒንሢ ማዴሢጉዴያ ዬያ
ኮሹሞና ዒንሢ ዒንጊ ማዶ ማዶ"ናኣ ዒንሢ ደዳንዳጉዲ ኑ ኮዓኔ።

8:4 ሮሜ 15:26።

8 ዓካሪ ዬያ ታ ጋዓሢ ዓይሥሢ ከኢታ ማሂቱቀሴ፤ ጋዓንቲ ማሌ" ዓሳ ደዲ ዲንጋ ዲንጊያና ዲንሢና ዎላ" ቤኤዚ ዛጊ ዲንሢኮ ጎኔ ናሹሞ ዔራኒ ታ ኮዓሢሮ ጋዓኔ።

9 ዲንሢ ኑ ጎዳሢ፣ ዩሱሰ ኪሪሰቶሴ ኮሹሞና ዲንጊ ዳኤጉ ዲንጊያ ዔራኔ፤ ዲዚ ሚርጌ ያርጎቺታዎ ዲንሢ ያርጎቻኒ ዲንሢ ዛሎ"ሮ ጌዒ ማንቆ ማዕኔ።

10 ዬኖ ዛሎ"ና ዲንሢሞ «ኮሺ ማዓንዳኔ» ጌዒ ታ ማላ ዘሮ ዲንሢ ታ ዘራኔ፤ ሂናኣቤሬ ዲንጊያና ሌሊቱዋንቲ ዲንጋጊ ማሊያናኣ ቤርቲ ማዕ ዓሳ ዲንሢኬ።

11 ዬያሮ ዲንሢ፡ ዲንጋጊ ናሹሞና ዔቄ ማሊያ ማዲንቲያ ማዒ ጋፒንሢ ሄላ"ንዳጉዲ ዲንሢኮ ዓኣ ጎይያ ዬያ ዲንሢ ማሌ ማዶ" ሃሢ ማዶቀቲ።

12 ናሹሞና ዲንጋጊ ማሊሢ ዓኣቲ ዓሰኮ ዲንጊሢ ያኦሲ ቤርታ ዔውቲያ ማዓሢ ዓሢ ፔኤኮ ዓኣ ጎይያ ዲንጋዛ ማዓንዳኣፓዓቲም ባኣ ባኣዚ" ዲንጋንዳኔ ጌይያናቱቀሴ።

13 ዬያ ታ ጋዓሢ" ቢያሢ ዲንሢ ሄኮ ማዓንዳጉዲ ማዓንዳኣፓዓቲም ዲንሢ ዲንጊያና ሜቶይዳ ጌሌም ማኣዲ"ንታ ዓሳ ሜታባኣያ ዳዓንዳጉዲ ጌይቱቀሴ።

14 ሃሢ ዲንሢኮ ዓኣ ባኣ ዔያቶ ሜታሢ ማኣዳ"ያ ማዎንጎ፤ ሃሢ ዲንሢ ሜታዳ ዎዶ"ና ዔያቶኮ ዓኣ ባኣ ዲንሢ ሜታሢ ማኣዳ"ያ ማዎንጎ፤ ዬያይዲያና ዲንሢኮ ባኣካ" ሄኮሞ ዓኣያ ማዓንዳኔ።

15 ዬይያ፡-
«ሚርጌ ቡኩሲ ዔኬሢሞ
ዑሃ ዓኣዳ፣ ዲቢባኣሴ፤
ዳካ" ቡኩሲ ዔኬሢሞኣ
ፓጩ፣ ዳኪ"ባኣሴ» ጌይንቲ ያኣፒንቲሢጉዲኬ።

ቲቶኮ ቆርንቶሴ ዳኪንቲያ

16 ታ ዲንሢሞ ማላሢጉዲ ቲቶቀ ዲንሢሞ ማላንዳጉዲ ማሃ ያኦዛሢ ጋላቲንቶጎ።

17 ሐሢ ቲቶ ዲንሢ ኮራ ዳንዳሢ ፔኤሮ ናሽኪኬ፤ ኑ ዒዛ ዳንዶም ሺኢቃሢሮ ሌሊቱቀሴ።

18 ኮዦ ሃይሶ ኬኤዚያና ኪሪሰቶሴ ጉሙርቃ ዓሶ ሺኢጲያ ማኣሮይዳ ቢያ ዔርቲ፣ ዲሻሢ ዒዛና ዎላ" ኑ ዳካንዳኔ።

19 ዲዚ ዬይ፣ ዲሻሢ ኑኡኒ ዬያ ኮዦ ማዶ" ጎዳ ቦንቾም ማዳኣና፤ ሃሢ ኑ ማዳኒ ናሹሞና ዔቃኣና ኑኡና ዎላ" ዒ ዓኣዲ ማዳንዳጉዲ ሺኢጲያ ማኣሮ ዓሳ ዒዛ ዶኦሬያኬ።

8:15 ኬሲ. ማፃ 16:18።

20 ይያ ዲንጎና ሚኒሾ ሳርቁ ማዳይዳ ኑ ፔኤሻ ዎድ"ና ኑ ደንኪንቴዎጉዲ ኮሺ" ኑ ሂርጊ ካፓኔ።

21 ዓይጎሮ ገዕድ ማሊፃ ኑኡኮ ጎዳ ቤርታ ሌሊቱዎንቴ ዓሲ ቤርቲዳኦ ኮሺ ማዕ ባኦዚ" ማዳኒታሂሮኬ።

22 ሚርጌ ዎዳ ሚርጌ ባኦዚ"ና ጉሙርቁንታያ ማዒፃ ዛጊንቴዎ ደዲ ማዒ ጴዳ፥ ዲሻሂያ ቲቶንሂና ዎላ" ኑ ዳኬሂ ዬያሮኬ፤ ዒዚ ዲንሂ ሚርጌና ጉሙርቃሂሮ ሃሂ ዲንሂ ዒ ማኦዳ"ኒ ደዲ ማላ ማሊፃ ኮሺ" ዳኤፒኬ።

23 ቲቶ ዛሎ" ዔራኒ ያኦጫ ዓሲ ዓኦቲ ዒዚ ዲንሂ ማኦዳ"ኒ ታኦና ዎላ" ማዳ ታኦኮ ላጌኬ፤ ዒዛና ዎላ" ዲንሂ ኮይላ" ሙካንዳ ዒሾንሂ ዛሎ" ማዕቲ ዔያታ ኪሪሰቶሴ ጉሙርቃ ዓሶ ሺኢጲፃ ማኦሮይዳፓ ዳኪንቴያ፥ ኪሪሰቶሴ ቦንቲሳያኬ።

24 ዬያሮ ዲንሂ ዔያቶ ናሽካያ ማዒፃ ፔጋሲ ዔርዙዎቲ፤ ሃንጎ፥ ኪሪሰቶሴ ጉሙርቃ ሺኢጲፃ ማኦሮ ዓሳ ዬያ ዔሮንጎ፤ ኑኡኒያ ዲንሂና ሄርሺንታኔ።

9

ኪሪሰቶሴ ጉሙርቃ ዓሶ ማኦዳ"ኒ ኬሶ"ና ሚኒሾ

1 ዪሁዳ ዓጮ"ይዳ ዓኦ፥ ኪሪሰቶሴ ጉሙርቃ ዓሶ ማኦዳ"ኒ ዲንሂ ኬሴ" ሚኒሾ ዛሎ" ታ ዲንሂም ፃኦፓንዳያ ኮይሱዎሴ፤

2 ዲንሂ ዓካይያይዳ ዓኦ ዓሳ ሜሌ" ዓሲ ማኦዳ"ኒ ዲንሂኮ ኮሺ ማሊሂ ዓኦሂ ታ ዔራሂሮ «ዓካይያይዳ ዓኦ ዓሳ ሂናኦ ቤራፓ ዓርቃፃ ሜሌ" ዓሲ ማኦዳ"ኒ ገኢጊንቲ ዓኦያኬ» ጌዒ ታ ማቁደኒያ ዓሶም ጫርቁ ኬኤዜኔ፤ ዲንሂኮ ኮሺ ማሊሂና ዔቁ ማዳፃ ሜሌ" ዓሶ ኮሺ ማዳንዳጉዲ ጴቹኔ።

3 ዓካሪ ኑ ዲንሂና ሄርሺንቲ ጌዔ ጌኤዛ ጉሪ ማዑዎጉዲ ሃንሂ ዲሾንሂ ታ ዲንሂ ኮይላ" ዳኬኔ፤ ዲንሂያ ታ ዲንሂም ቤርታ ኬኤዜሂጉዲ ገኢጊንቲ ካዎቲ።

4 ማቁደኒያ ዓሳ ታኦና ዎላ" ዲንሂ ኮይላ" ሙካ ዎድ"ና ዲንሂ ገኢጊንቲባኦያ ማዒ ዓኦንቴ ዳንቁቲ ኑ ዲንሂና ሄርሺንቲ ኬኤዜ ባኮና ኑናንታ ዲንሂንታ ዎላ" ቦርሲንታንዳኔ።

5 ዬያሮ ዲንሂ ዲንጋንዳኔ ጌዒ ናኦቤ ባኮ ቤርታዲ ዲንሂ ገኢጊሻንዳጉዲ ዲንሂም ጳቁሂ ኬኤዘም ጌዒ ሃንሂ ዲሾንሂ ቤርታሲ ዲንሂ ኮይላ" ዔያቶ ሺኢቁ ዳካኒ ኮይሳያታሂ ታ ዔራኔ፤ ዬያይዳም ታኦኒ ሙካ ዎድ"ና ዲንሂ ዲንጋኒ ጌዔ ባካ ዲንጊንቲ

8:21 ኮኦኪ. 3:4።

ጊኢጌያ ማዓንዳኔ፤ ዲንሢ ዲንጋሢያ ዓሲ ዋልቃዳምቱዋንቲ ናሹሞና ዲንጋያ ማዓዓኣ ዔርታንዳኔ።

6 «ዳካ" ዜርሢ ዜርቁሢ ዳካ" ሃኣኮ ዔካንዳኔ፤ ሚርጌ ዜርሢ ዜርቁሢ ሚርጌ ሃኣኮ ቡኩሲ ዔካንዳኔ» ጌይንቲሢ ጳቂሠቶቲ።

7 ያኦሲ' ናሽካሢ ዋዛና ዲንጋ ዓሲ ማዔሢሮ ፔቲ" ፔቲ"ሢ ዲንጋኣና ፔ ዒና" ናሽኬሢጉዲ ማዓንዳኣጋዓቲም «ዓይጎር ታ ዲንጋይ?» ጌዒ ጌዒ ዓሲ ዲንጎም ጌዒ ዋልቃዳም ዲንጎ።

8 ዲንሢ ሲያ ዋዴ ኮይሳ ባኣዚ" ሲያ ዴንቁ፣ ኮሺ ማዶ ሲያ ማዳንዳጉዲ ዓንጅ ዲንሢም ያኦሲ ዲንጋኒ ዳንዳዓኔ፤

9 ዬይያ፡-
«ማንቆ ዓሶም ኮሹሞና ዲዚ ዲንጌኔ፤
ዲዛኮ ኮሹማ ናንጊና ናንጋኔ»

ጌይንቲ ያኣፒንቲሢጉዲኬ።
10 ዜርሢ ዜርቃሢም ዜርሢ፤ ሃሢ ዓሲ ሙዓንዳጉዲ ሙኡዚ" ዲንጋ ያኣዛሢ' ዲንሢ ዜርቃንዳ ዜርቃ ሚርጌ ዲንሢም ዲንጋንዳኔ፤ ዲንሢ ዲንጋሢኮዋ ዓኣፖ ዒ ሚርጊሻዳንዳኔ።

11 ዲንሢ ኮሹሞና ዲንጋ ባካ ኑ ዛሎ"ና ዔያቶም ሄላ" ዓሳ ሲያ ያኦሲ ጋላታንዳጉዲ ሃሢ ሲያ ዋዴ ኮሹሞና ዲንሢ ዲንጋንዳጉዲ ያኦሲ ሲያ ባኣዚ"ና ዲንሢ ያርጎቻንዳኔ።

12 ዬይ ዲንሢ ዲንጊያና ማዳ ማዳ" ኪሪሰቶሴ ጉሙርቃ ዓሶኮ ማታሢ ሺሌዒሳያ ሌሊቱዋንቲ ያኦሲ ሚርጌና ዔያታ ጋላታንዳጉዲ ማሃኔ።

13 ዬይ ማዳ" ዲንሢኮ ዲንሢ ኪሪሰቶሴኮ ኮዡ ሃይሶ ዋይዚ ዔኪ ዓይሢንቲሢሮና ዔያቶና ማሌ"ዞንሢናም ዲንሢኮ ዲንጊያ ዔርቲያ ማዔሢሮ ሲያሢ ያኦሲ ጋላታንዳኔ።

14 ዔያታ ያኦሲ ዲንሢም ዲንጌ፣ ዑሣ ዓኣዳ ዴኤፒ ማዔ ኮሹሞ ዲንጊያ ዛሎ"ና ዲንሢ ጳቂሢሢሮ ዲንሢም ዔያታ ሺኢቃንዳኔ።

15 ዓሲ «ሃማኬ» ጌይ ኬኤዛኒ ዳንዳዑዋ ያኦሲኮ ዲንጊያር ዲዚ ጋላቲንቲያ ማፖንጎ።

10

ጳውሎሴ ዲዛ ድንካ ዓሶም ማሂ ኬኤዜ ባኮ

1 ዲንሢ ኮይላ" ዓኣፖ «ሴልቃያ»፤ ዲንሢ ኮይላ"ፓ ሃኪ ዴንዳፖ ጋዓንቲ «ጫርቃያ» ጌይንቲሢ፣ ታኣኒ ጳውሎሴ ኪሪሰቶሴኮ ኮሹሞና ሺሌዑሞና ማዒ ታ ዲንሢ ሺኢቃኔ፤

9:9 ዓይኔ. 112:9:: 9:10 ዓሲ. 55:10::

2 ታ ዲንሢ ሺኢቃሢ' ዲንሢ ኮራ ታ ሙኩ ዋድ"ና ዩያይዲ ጫርቂ ጌስታንዳጉዲ ታና ማሂፖቴ ጌይኬ፤ ዓሲ ማሊሢና ኑ ሃንታያ ማሂ ኑና ፓይዳ፣ ፔቴ" ፔቴ" ዓሶ ቤርታ ጋዓንቴ ጫርቂ ጌስታኒ ታ ማላኔ።

3 ዋዚ ኑ ሃያ ዓጫ" ናንጋያ ማዔቴያ ኑ ያልታሢ ሃያ ዓጮ" ዓሳ ያልታ ጎይዖቱዋሴ።

4 ኑኡኮ ያሎ ዓንጋማ፡ ያሎሮ ኬልቂ ዴያና ኬኤሎ" ደይሳኒ ዳንዳዓ፣ ያኦሲ ዋልቂ ዓኣ፣ ዓንጋሞ ማዓንዳኣፓዓቴም ሃያ ዓጮ" ያሎ ዓንጋሞጉዲቱዋሴ።

5 ዓሲ ያኦሲ ዔሩዋጉዲ ሉኡዙሞና ማርሞ ማርማሢንታ ያቶርሞ ማሊያዋ ጉቤ ኑ ባይዛንዳኔ፤ ዓሲኮ ማሊያ ጉቤ ኑ ዲዒ ዲዒ ኪሪሰቶሴም ዓይሢንታንዳጉዲ ማሃኔ።

6 ዲንሢኮ ዓይሢንታ፣ ጎኔ ማዔሢ ኑ ዔሬሢኮ ጊንፃ ዓይሢንታ ዒፃ ባኣዚ" ዓይጎዋ ጉቤ ኑ ፑርታና ዋጋኒ ጊኣኔ።

7 ዲንሢ ዛጋሢ ፔጌና ጴዳ ባኣዚ" ሌሊኬ፤ ዓይጎ ዓሲያ ታኣኒ ሌሊ ኪሪሰቶሴርኬ ጌዒ ጉሙርቃቶ ፔና ጊንሣ ሺርሺ ዛጎንጎ፤ ኑኡኒያ ዒዛጉዲ ኪሪሰቶሴር ማዔሢ ዔሮንጎ።

8 ጎዳ ኑም ዓንጌ ቢታንቶና ሚርጌና ታ ሄርሺንቴቴያ ታና ቦርሱዋሴ፤ ዋይቴ ጌዔቴ ዩይ ቢታንታ ኑም ዲንጊንቴሢ ዲንሢኮ ጉሙርቂያ ደዲሻኒ ማዓንዳኣፓዓቴም ባይዛኒቱዋኣሢሮኬ።

9 ታኣኮ ኪኢታ" ታ ዲንሢ ዒዒጊቻኒ ኬኤዛያ ማሎፓ።

10 ፔቴ" ፔቴ" ዓሳ «ጳውሎሴኮ ኪኢታ" ዴኤፃያ ሃሣ ደዲኬ፤ ጋዓንቴ ዒዛ ኑ ዛጋኣና ዑፃ ላኣፓ፣ ጌኤዛኣ ዒዛኮ ፓሡዋያኬ» ጋዓያ ናንዳኔ።

11 ዩና ጋዓ ዓሳ ዲንሢዳፓ ሃኬ ዓኣዖ ኑ ፃኣፓ ኪኢቶ"ና ዲንሢ ኮይላ" ዓኣዖ ኑ ማዳ ማዳ"ናኮ ባኣካ" ዲሙሞ ባኣያታሢ ዔሮንጎ።

12 ኑኡኒ ጋዓንቴ ፔ ቶኦኮ" ጋላታ ዓሶና ኑና ዋላ" ፔቴ" ማሃኔ፣ ሃሣ ጊንሣ ቤኤዚ ዛጋኒ ፔቴ"ታዖ ኑ ማሊሢዳ ባኣሴ፤ ዔያታ ፔና ፔኤና ቤኤዚ ዛጋሢሮ ዔያቶኮ ዒና ባኣያኬ።

13 ኑኡኒ ጋዓንቴ ፔቶ" ዑሣ ዓኣዳ ሄርሺንቴዋሴ፤ ኑኡኒ ሄርሺንታሢ' ያኦሲ ኑና ማዳንጎ ጌዔማ ጎይዖ ዴንዲ ዲንሢ ሄላ"ንዳኣና ማዳ ማዳ"ናኬ።

14 ዲንሢ ሃሢ ዓኣሢ ኑ ማዳንዳጉዲ ጌይንቴ ቤዘይዳ ማዔሢሮ ኪሪሰቶሴኮ ኮኮ ሃይሶ ኬኤዛኒ ኑ ዔኪ ዲንሢ ኮይላ" ሙኩ ዋድ"ና ፓፓ ኑ ዑሣ ዓኣዲባኣሴ።

15 ዩያሮ ያኦሲ ኑም ጌዔ ቤዛፓ ኑ ዓኣዲ ሜሌ" ዓሲ ማዳ ማዳና ኮይሱዋ ጎይሢ ዑሣ ዓኣዳ ኑ ሄርሺንታዓ፤ ጋዓንቴ ዲንሢኮ

ጉሙርቁፃ ደዳንዳጉደና ኩኩኮዋ ማደ። ጾኑሲ ኑም ዒንጌ ቤዘ፣
ዒንሢ ባኣካ" ባሽና ደልጋንዳኔ ጌዒ ሃጊ ማዓንዳ ዋዛ ኑ ጌሣኔ።

16 ዓካሪ ሜሌ" ዓሳ ማደ ቤዘይዳ ጌሊ፣ ቤርታ ማደንቴ ማደ"ና
ሄርሺንቱዋዎ ዒንሢኮ ዙላ" ዓኣ ዓጮ"ም ኮዦ ሃይሶ ኑ ኬኤዛኒ
ደንዳዓኔ።

17 ጋዓንቴ «ሄርሺንታሢ ጎደና ሄርሺንቶንጎ።»

18 ዓይጎር ጌዔቴ ዓሲ ጋላቴንቴያ ማዓኒ ዳንዳዓሢ ጾኑሲ ዒዛ
ጋላቴቴ ማዓንዳኣጋዓቴም ፔና ፔኤር ዒ ጋላቴቴቴዋኣሢርኬ።

11

ጳውሎሴና ጾኑሲ ማደ"ም ዳከንቴኔ ጌይ ሉኡቃዘንሢና

1 ደካ" ዔኤያቶና ታ ጌሰታ ባኮ ዒንሢ ጊቢ" ዳንዳዓንዳጉደ ታ
ኮዓኔ፤ ጎኔኔ፣ ዒንሢ ዳንዳዒ ዳንዳዒኬ።

2 ጾኑሲ ዒንሢ ናሽኪ፣ ዒዛም ሌሊ ዒንሢ ማዓንዳጉደ
ኮዓሢጉደ ታኣኒያ ዒማደ ማላኔ፤ ታ ያደደ ማላሢ" ፔቴ"
ኩሙሢ ዉደር ናይጉደ ፔቴ" ዓቴንቁም ታ ዒንሢ ጾኔጮሢርኬ፤
ዩይ ዓሢያ ኪሪሰቶሴኬ።

3 ሸኣሽ ሂዋኣኖ ጨንጨዋና ጌሺ ደሲሴሢሢጉደ ጎዖንቴ
ዒንሢኮዋ ማለፃ ፑርቴም ኪሪሰቶሴም ዒንሢኮ ዓኣ ፒዙዋና
ጌኤሹዋና ዒንሢ ሃሻ"ንዳያናንዳኔ ጌይ ታ ሂርጋኔ።

4 ዓይጎር ጌዔቴ ፔቴ" ዓሲ ዒንሢ ኮይላ" ሙኪ ኩኣኒ ዒንሢም
ኬኤዜ ዩሱሴቱዋንቴ ሜሌ" ዩሱሴ ዒንሢም ኬኤዜቴ ሃሢ ዒንሢ
ቤርታ ዔኬ ዓያኖይዳጋ ሜሌ" ዓያና ዒንሢ ዔኬቴ ጊንሣ ሃሢ
ቤርታ ዒንሢ ዋይዚ ዔኬ ኮዦ ሃይሶይዳጋ ሜሌ" ዋይዚ ዒንሢ
ዔኬቴያ ዩያ ዒንሢ ዚቴኖ ጌይ ዛዛጋኔ።

5 ጋዓንቴ ታኣኒ ዩንሢ «ጾኑሲ ማደ"ም ዳከንቴ ደኤፖ ዓሶ»
ጌይንታ ዓሶይዳጋ ዓይጎናኣ ሃታያ ታኣም ማሉዋሴ።

6 ዩና ዓሳ ጌኤታ"ሢጉደ ሃይሴ ማዢ ታ ጌሰቲባኣቴያ ዔራቶ
ታኣኮ ናንጊኬ፤ ዩያ ሚርጌ ዋዴ፣ ሚርጌ ባኣዚ"ና ፔጋሲ ኑ
ዒንሢም ደቁኔ።

7 ታኣኒ ጾኑሲኮ ኮዦ ሃይሶ ሚኢሽ ዔኩዋኣያ ዒንሢም
ኬኤዚያና፣ ሃሢ ዒንሢ ደ"ጊዳኒ ታ ቶኦኮ" ሂርኪሲፃ ታኣኮ ጎሜ
ማዔኔ ጌይሢዳ?

8 ዒንሢም ማደኒ ኪሪሰቶሴ ጉሙርቃ ሃንጎ ሺኢጲፃ ማኣር
ዓሶይዳጋ ማኣዳሢ ታ ዔኪያና ታ ዔያቶ ቡሬኔ።

9 ዒንሢና ዋላ" ታ ዓኣንቲ ሜታሢ ታና ሄሌ" ዋደ"ና ሜቄደኒያፓ ሙኩ ዒሾንሢ ታኣም ኮይሳ ባኮ ዒንጊ ማኣዳ"ያ ማዕሢሮ ያናኣ ታ ሜታሲባኣሴ፤ ሃኖ" ሄላ"ንዳኣና ዓይጎ ባኣዚ"ናኣ ታ ዒንሢ ሜታሲባኣሴ፤ ሴካ ሃጋ ቤርታኣ ታ ዒንሢ ሜታሲንዲዋሴ።

10 ኪሪሰቶሴኮ ጎኑማ ታጊዳ ዓኣሢሮ ታ ጫርቂ ጌሰቱዋጉዲ ዓካይያ ዓጮ"ይዳ ታና ላኣጋኒ ዳንዳዓይ ያኣኒያ ባኣሴ።

11 ዬያ ታ ጋዓሢ ዓይጎሮዳይ? ታ ዒንሢ ናሽኩዋኣሢሮዳ? ያኣሲ ዔራሢጉዲ ታ ዒንሢ ናሽካኔ።

12 ዬያታ ሐንጎ ያኣሲ ማዶ"ም ዳኪንቲ ዓሳ:- «ኑኤኒያ ጳውሎሴንሢሢ ማዳኔ» ጌይ ጌይ ሄርሺንታ ባኮ ዔያቶ ሃሺ"ሳኒ ሃሢ ታ ማዳ ጎይያ ሃጊ ሴካኣ ማዳንዳኔ።

13 ዬናጉዴ ዓሳ ኪሪሰቶሴ ማዶ"ም ዳኪንቲያ ፔና ማሊሻኒ ኮዓያ፣ ሉኡዙሞና ያኣሲ ማዶ"ም ዳኪንቲያ ማላ ጌሺ ማዳ ዓሲኬ።

14 ዬይ ዲቃሢ ሄርሺሳ ባኣዚ"ቱዋሴ፤ ዋይቲ ጌዔቲ ያላሄታያ ፔና ፖያ ኪኢታንቶ ማሃኒ ዲማ ዲማ ጎይሢና ፔና ላኣማኔ።

15 ዬያሮ ያላሄም ማዳ ዓሳ ያሉ"ሞና ማዳያ ማሊሲ ፔና ዲማ ዲማ ጎይሢና ላኣማቲያ ዲቃሢ ሄርሺሳያቱዋሴ፤ ጋፒንፃ ዔያታ ማዳ ማዶ" ዛሎ" ፔኤኮ ዳንቃንዳኔ።

ጳውሎሴ ፔና ሄሌ" ሜታሢ ጫርቂ ኬኤዜሢ

16 «ዓይጎ ዓሲያ ታና ዔኤያኬ ጎያፓ» ጌይ ላሚ ታ ኬኤዛኔ። ታ ዒንሢም ዔኤያ ማሊ ጴዳቲያ ዳካ" ታ ጫርቂ ጌሰታንዳጉዲ ዔኤያ ማሂ ታና ፓይዲዋቲ።

17 ሐያይዲ ታ ጫርቂ ጌሰታሢ ጎዳ ማሊያጉዲቱዋንቲ ዔኤያ ማዒኬ።

18 ሚርጌሢ' ሃያ ሳያ ባኣዚ"ና ሄርሺንታሢሮ ታኣኒያ ሄርሺንታንዳኔ።

19 ዒንሢ ጨንጫ ማዕሢሮ ዔኤዮ ዓሶ ባኮ ዛጌያ ገባ"ኔ።

20 ዬያጉዲ ያኣኒያ ዒንሢ ዓይሌ" ማሄቶ፣ ቡሪ ዒንሢ ባኮ ዔኬቲ፣ ዒንሢ ጌሹቲ፣ ዒንሢዳ ያቶርቂ ጌሰቲቲ፣ ያኣኒያ ዒንሢ ባዔቲ ዙቲ ጌሳ ገቢ" ዒንሢ ዳንዳዓንዳኔ።

21 ዋዚ ታና ቦርሳያ ማዕቲያ ዒንሢጉዲ ገቢ" ዳንዳዒያና ኑ ደዲ ማዕባኣሢ ታ ዒንሢም ኬኤዛኔ።

ጋዓንቲ ያኣኒያ ሄርሺንታኒ ጫርቃቶ ታኣኒያ ዒዛጉዲ ጫርቂ ሄርሺንታንዳኔ፤ [ዬያ ታ ጋዓሢ ሃሢ ዔኤያጉዲ ማዒኬ።]

11:9 ፒልጲ. 4፣15-18።

22 ዔያታ፥ ዩና ዓሳ፡ ዔብሬ ዓሲዳ? ታኣኒያ ዔያቶጉዲኬ፤ ዔያታ ዒሰራዔኤሌ ዓሲዳ? ታኣኒያ ዔያቶጉዲኬ፤ ዔያታ ዓብራሃሜ ዜርሣዳ? ታኣኒያ ዔያቶጉዲኬ።

23 ዔያታ ኪሪሰቶሴም ማዳ ዓሶዳ? ታኣኒ ዔያቶይዳፓ ባሼ ኪሪሰቶሴም ማዳያኬ፤ [ዩያ ታ ጋዓሢ ዣኣሹሞጉዲኬ።] ታኣኒ ሚርጌ ዎዴ ማዳና ላቤ"ኔ፥ ሚርጌ ዎዴ ታ ቱኡቴኔ፥ ሚርጌ ዎዴ ዢራፓናኣ ታ ጳርቂንቴኔ፥ ሚርጌ ዎዴ ሃሣ ታ ሃይቁፆ ዓቲ" ዓቲ" ዓኣሣኔ።

24 ዓይሁዶ ዓሳ ዢራፓና ሃይሢታሚ" ታዘጳ ጳዲ ዶንጎ ማይንቲ ታና ጳርቂኔ፤

25 ሓይሢ ማይንቲ ኮኦሎ"ና ታ ጳዲንቴኔ፥ ፔቴ"ና ሹቻ ታ ዲይንቴኔ፥ ሃይሢ ማይንቲ ዋኣሢ ካኣሚሌይዳ ሜታ ታና ሄሌ"ኔ፥ ፔቴ" ኬሊ" ዲሚና ሮኦሪና ቢያ ዋኣሢዳ ታ ዎርቂ ፔኤቂኔ፤

26 ሚርጌ ዎዴ ታ ጎይሢ ሃንቲሢና ሜታዳኔ፤ ዩያይዳ ዎርዚ ኩሚ ታና ሙዔዎ ዓቲ"ኔ፥ ሱላንታ ታ ዒጊኖ ዓይሁዶ ዓሶንታ ዓይሁዶ ማዒባኣ ዓሳኣ ታና ዎዴፆ ዓቲ"ኔ፥ ካታሞና ካዮና ዴኤፖ ባዘ"ናይዳ ታ ሃይቁፆ ዓቲ"ኔ፤ ሃሣ ሉኡዙሞና ኪሪሰቶሴ ጉሙርቃኔ ጋዓ ዓሳ ታና ዎዴፆ ዓቲ"ኔ።

27 ሚርጌ ታ ላቢ" ማዲ ሜቶ ዛጌኔ፥ ሚርጌ ዎዴ ጊንፆ ታ ዓቲ"ኔ፥ ናይዚና ዋኣሢ ዴኤቢ"ና ታና ሜታሴኔ፥ ሚርጌ ዎዴ ሙኡዚ" ባይቁም ታ ሜታዳኔ፥ ሚርጌ ዎዴ ጨኢሺና ካሉ"ሞና ታና ሜታሴኔ።

28 ጋዓንቲ ሜሌ" ዓቲ" ባኮይዳፓ ባሼ ቢያ ኬሊ" ታና ሜታሴሢ ኪሪሰቶሴ ጉሙርቃ ሺኢጲፆ ማኣሮ ዓሶ ዛሎ"ኬ።

29 ፔቴ" ዓሲ ላባ"ኣና ታ ዒዛና ዎላ" ላባ"ኔ፤ ሃሣ ፔቴ" ዓሲ ባጋሢ ዳቢሲ ጎሜይዳ ጌልዜቴ ሚርጌና ታ ዳጋዳኔ።

30 ሄርሺንቲ ጌሰቲሢ ኮይሳያ ማዔቴ ታኣኒ ሄርሺንታሢ ታ ላቤ"ያ ማዒፆ ዳዎ ባኮንሢናኬ።

31 ኑ ጎዳሢ፥ ዩሱሰ ኪሪሰቶሴኮ ዓዶ ማዔ ያኣዛሢ ናንጊና ጋላቲንቴያ ማፆም፤ ታ ሉኡቂ ኬኤዙዎኣሢ ዒ ዔራሬ።

32 ዴማሰቆ ካታሞይዳ ታ ዓኣ ዎዶ"ና ካኣቲ ዓሬታሴኮ ዴማ" ማዒ ዴሮ" ዎይሃሢ ታና ዓርቃኒ ኮዒ ካታሞ ጌላ ካሮ" ካሮ" ካፓ ዓሶና ካፒሳኔ።

11:23 ዳኪ. ማዳ" 16፥23። 11:24 ላሚ. ዎም 25፥3። 11:25 ዳኪ. ማዳ" 16፥2፤ 14፥19። 11:26 ዳኪ. ማዳ" 9፥23፤ 14፥15።

33 ጋዓንቴ ሹጮና ከልቁ ኮሾ"ና ዲሮኮ ፑልታና ዓሳ ታና ሮኦጮና ከይሴም ታ ዒዛይዳፓ ቶሊ" ዓቴ"ኔ።

12

ጳውሎስም ያኦሲ ፔጋሲ ዳዌ ባኮ

1 ታኦኒ ሄርሺንቲ ጌሰታንዳኔ፤ ጋዓንቴ ዬይ ፓሣ ባኦዚ"ቱዋሴ፤ ሃሢ ታኦኒ ጎዳ ታና ፔጋሲ ዳዌ ባኮና፤ ሃሣ ታኦኒ ዛጌ ባኮዋ ከኤዛንዳኔ።

2 ፔቴ" ኪሪሰቶሴ ጉሙርቃ ዓሲሰኬያ ታ ዔራኔ፤ ዬይ ዓሢ ታጳ ያይዶ ለዔኮ ቤርታ ጫሪንጮኮ ዑፃ ዓኣ ጫሪንጮ ዔውቲ ዓኣጳፎ፤ [ዬይ ዓሢ ዔውቲሢ' ዑፃ ዒዛኮ ዬማዲ ዓኣንቴዋ ባኣንቴዋ? ታ ዔራዋሴ፤ ያኦሲ ዔራኔ።]

3 ጎኔ ዬይ ዓሢ፣ ዑፃ ዒዛኮ ዬማዲ ዓኣንቴዋ ባኣንቴዋ? ታ ዔራዋሴ፣ ያኦሲ ዔራኔ፤

4 ጋዓንቴ ዬይ ዓሢ ጌኔቴ ጌይንታ ቤዞ ዔውቲሢ ታ ዔራኔ፤ ዒኢካ ዒዚ ዓሲ' ፔጋሲ ከኤዛኒና ጌሰታኒ ዳንዳዑዋ ባኦዚ" ዋይዜኔ።

5 ዬያጉዳ ዓሢ ዛሎ"ና ታ ሄርሺንታኔ፤ ታ ታ ዛሎ" ጋዓንቴ ታኦኮ ለቤ"ያ ማዒያና ሄርሺንታኔ፤ ማሌ" ሄርሺንታ ባኦዚ" ባኦሴ።

6 ታ ሄርሺንቲ ጌሰታኒ ኮዔቴታ ያኦኒያ ታና ዔኤያኬ ጎፆ፤ ዓይጎሮ ጌዔቴ ታ ከኤዛሢ ጎኔ ባኦዚ"ኬ። ጋዓንቴ ዓይጎ ዓሲያ ታ ዛሎ" ዛጋ ባኮና ዋይዛ ባኮናይዳፓ ዑሣ ጳኤፒሲ ከኤዙዋጉዲ፣ ሄርሺንቲያ ታ ሃሻ"ኔ።

7 ዬንሢ ታኦም ጳጳ፣ ጳኤፖ ባኮንሢ ዛሎ"ና ታ ያቶርቁዋጉዲ ታኦኮ ዓሻኮ ዓንገሢሢ ያላጋ ባኦዚ" ታኦም ዒንገንቴኔ፤ ዬይ ፃላሄኮ ከኢታንቻ ማዒ ታና ማታሴም ታ ያቶርቁዋጉዲ ታኦም ዒንጎናያኬ።

8 ዬይ ታና ማታሳ ባካ ታገዳፓ ባይቃንዳጉዲ ጎዳ ሃይሢ ማይንቲ ታ ሺኢቁ፤

9 ጋዓንቴ ዒዚ፡- «ታኦኮ ዋልቃ ጳጳሢ ኔኤኒ ለቢንቴ ዋዶ"ና ማዔሢር ታ ዒንጌ ኮኸ ዒንጌፃ ኔኤም ገዳንዳኔ» ታኦም ጌዔኔ፤ ዬያሮ ኪሪሰቶሴኮ ዋልቃ ታገዳ ማዓንዳጉዲ ዑሣ ዓኣጳ ታ ዋዛዲ ዋዛዲ ታ ለቢ"ያና ታ ሄርሺንታኒ ኮዔኔ።

11:33 ዳኪ. ማዳ" 9፣23-25።

10 ዎልቁ ታኣኒ ዳንቃሢ ታኣኒ ላቤ" ዎዶ"ና ማዔሢሮ ኪሪሰቶሴ ዛሎ" ታ ላቤ"ንታኣና፣ ጫሽኪንታኣና፣ ሜታዳኣና፣ ዒዲንጉ ደውሲንታኣና፣ ካራ ባይዚ ታ ሃንታኣና ቢያ ታና ዎዎዛሳኔ።

ጳውሎሴ ቆሮንቶሴ ዓሶ ዛሎ" ሜታዲ ማሌ ማሊዎ

11 ታኣኒ ዬያ ጌሰቲዎና ዔኤያ ማዔኔ፤ ያዲ ታ ጌሰታንዳጉዲ ማሃሢ ዒንሢኬ፤ ታና ጋላታንዳዎ ዓቴ"ሢያ ዒንሢኬ፤ ዓይጎሮ ጌዔቲ ታኣኒ ዓሲ ጌይንቱዎ ዓሲ ማዔቲያ፡- «ዎኦሲ ማዶ"ም ዳኪንቲ፣ ዳኤፖ ዓሶ» ጌይንታ ዓሶይዳፓ ታ ሃታያቱዎሴ።

12 ታኣኒ ዒንሢ ባኣካ" ዓኣ ዎዶ"ና ዎኦሲ ማዶ"ም ጎኔ ዳኪንቲ ዓሲ ማዔዎ ዔርዛ ባኣዚ" ጊቢ" ዳንዳዒሢና ማዶ ባካ ዲማ ዲማ ማላታ፣ ዲቃሢ ባኣዚ"ንታ ዎኦሲ ዎልቁና ማዲንታ ዓኮ ባኮንታኬ።

13 ዒንሢ ታ ሜታሱዎዎ ሃሼ"ማፓ ዓታዛ ሃንጎ ኪሪሰቶሴ ጉሙርቃ ሸኢጲያ ማኣሮ ዓሶይዳፓ ዓይጎና ታ ዒንሢ ዳኪ"ሴይ? ዬይ ታኣኮ ዳቢንቲ ማዔቲ ታኣም ዓቶም ጎዑዎቲ።

14 ዒንሢ ኮይላ" ታ ሙካንዳኔ ጌይ፣ ጊኢጊንቲ ጊኢጊንቲ ዓታንቲ ሃኖ" ሃይሃሲኬ፤ ታቲያ ታ ዒንሢ ሜታሳኒ ኮዑዎሴ፤ ዓይጎሮ ጌዔቲ ታ ኮዓሢ ዒንሢ ማዓንዳኣፓዓቲም ዒንሢኮ ሚኢሸቱዎኣሢሮኬ። ናይም ሚኢሸ ቡኩሳሢ ሸዔ ዓሶ ማዓንዳኣፓዓቲም ናኣታ" ሸዔ ዓሶም ሚኢሸ ቡኩሳሢ።

15 ታኣኒ ጋዓንቲ ዒንሢ ዛሎ"ሮ ታኣኮ ዓኣ ባኮ ቢያ፣ ሃሃ ጊንሢ ታና ዓኣሢ ታ ዒንጌቲ ታኣም ቃራኬ፤ ዓካሪ ታ ዒንሢ ዬያይዲ ሚርጌና ናሽካዛ ዒንሢ ታና ዬማይዲ ዳካ"ና ናሽካኔ ጌይሢዳ?

16 ዬይ ያዲ ማዔቲያ ታ ዒንሢ ሜታሳዓኬ፤ ጋዓንቲ ፔቴ" ፔቴ" ዓሳ ጋዓሢጉዲ ፑርታ ማሊሢና ጌሺ ታ ዒንሢ ዓርቁያ ማሉዎዎ ዓታዓ!

17 ታ ዒንሢ ኮይላ" ዳኬ ዓሶይዳፓ ፔቴ"ሢ ዛሎ"ናታዎ ታ ዒንሢ ቡሪያ?

18 ቲቶ ዒንሢ ኮይላ" ዓኣዳንዳጉዲ ታ ሸኢቁኔ፤ ፔቴ" ኑ ዒሻሢያ ዒንሢ ኮይላ" ዒዛና ዎላ" ታ ዳኬኔ፤ ሂዳዎ ቲቶ ዒንሢ ዒማና ቡሪያ? ታኣና ዒዛና ዒንሢም ማዶሢ ፔቴ" ማሊሢናቱዎዓዳ? ኩኩኮ ማዳ"ኣ ፔቴ"ቱዎዓዳ?

19 ሃኖ" ሄላ"ንዳኣና ኑ ዬያይዲ ጌሰታሢ «ኑ ዳቤዎ ዳቢባኣሴ» ጌይ ጌሰታዎ ዒንሢም ማላ? ኩኩኒ ኪሪሰቶሴና ማዒ ኬኤዛሢ ዎኦሲ ቤርታኬ፤ ኑ ዒጊኖንሢዮቴ! ኩኩኒ ሃያ ዒንሢም ኬኤዛሢ ዒንሢ ደዲሺ ማዣኒኬ።

20 ታኣኒ ዒንሢ ኮይላ" ሙካ ዎዶ"ና ታ ማላ ጎይዎ ዒንሢ ማዒባኣያ፣ ሃሃ ታኣኒያ ዒንሢ ማላ ጎይዎ ማዒባኣያ ኑ ዎላ"

ካላማንዳኣ ናንዳኔ ጌዒ ታ ዒጊጫኔ፤ ጎጆንቴ ዒንህ ባኣካ" ዑራ፥
ቂኢሩሞ፥ ጎሪ"ንቴ፥ ፑርታ ማዳኒ ዘርቲህ፥ ዓሲ ፑርቲሲ ጌሰቲህ፥
ደንኮ፥ የቶርሙሞንታ ዣሎንታ ዓኣ ናንዳኔ ጌዒ ታ ዒጊጫኔ።

21 ዬዮ ታ ዒንህ ኮይላ" ለሚያ ሙካዘና ታ የኦዛህ ጎጆንቴ
ዒንህ ቤርታ ታና ቦርሲ ሰንዳያ ናንዳኔ ጌዒ ታ ዒጊጫኔ፤ ሃሃ
ሚርጌ ዓሳ ሓያኮ ቤርታ ዔያታ ማዳ ጎሞንታ ዒኢቲ ማደ"ንታ ዓኒ
ሃሃ ማቾ ማዒባኣያና ላሃህንታ ዓኒ ሃሃ ማቾ ማዒባኣያና ላሃኒ
ኮዒ ዓማሊ" የጎሞንታ ዔያታ ቡኡጂባኣያ ማዔም ታና ሚርጌ
የደሰንዳያ ናንዳኔ ጌዒ ታ ሚርጌ ዒጊጫኔ።

13

ጳውሎስኮ ጋፒንያ ዘር"ና ሳራሂያ

1 ዓካሪ ሃና ታኣኮ ዒንህ ኮይላ" ሃይሃሶ ሙኮ ማዓንዳኔ፤ ቢያ
ባኣዚ"ኮ ጎኑማ ዔርታሂ ለምያ ሃንጎ ሃይሃ ማርካናኬ።

2 ለሚያ ታ ዒንህ ዛጋኒ ዒንህ ኮይላ" ሙኬ ዎዶ"ና ላቲ" ታ
ዒንህም ኬኤዜ ባኣዚ" ዓኣኔ፤ ሃሂያ ታ ሃኬ ዓኣያ ቤርታ ጎሞ
ማዳዘንሂንታ ሃንጎዎቶንታም ላቲ" ታ ኬኤዛኔ፤ ዓካሪ ታ ዒንህ
ኮራ ማዒ ሙካኣና ያናኣ ታ ሚጨንቴ ጌሰታዓኬ፤

3 ዬያይዳ ታኣና ማዒ ኬኤዛሂ ኪሪሰቶሴታሂ ዒንህ
ዔራንዳኔ፤ ዒንህ ባኣካ" ዒ ማዳንዳሂ ዎልቄናኬ፤
ለቢ"ሂናቱዎሴ።

4 ዒዚ ፑርቶ ዓሶ ሱያ ሚያይዳ ሱጂንቴ ሓይቄሂ ለቢ"ሂና
ማዔያታቲያ፥ ሃሂ ዒዚ ያኦሲ ዎልቄና ሺምፖና ናንጋኔ፤ ኑኡኒያ
ዒዛና ዎላ" ማዒያና ለቤ"ያ ማዔቲያ ዒንህም ማዳኒ ያኦሲ
ዎልቄና ዒዛና ዎላ" ሺምፔና ዓኣያ ማዒ ኑ ናንጋኔ።

5 ዒንህ ያኦሲ ጎኔ ጉሙርቃያ ማዒያ ዔራኒ ዒንህ ማሂ
ዛጉዎቲ፤ ሃሃ ዒንህ ጊንህ ሺሪ ያኦጩዎቲ፤ ዒንህ ዣኣሌቲ ሌሊ
ማዓንዳኣፓዓቲም ሃንጎ ዬሱስ ኪሪሰቶሴ ዒንህዳ ዓኣሂ ዒንህ
ዔራዎዓዳ?

6 ኑኡኒ ጋዓንቴ ዬያና ዳቢንቴ ዣኣለባኣያ ማዔሂ ዒንህ ዔራኔ
ጌይ ኑ ጉሙርቃኔ።

7 ዒንህ ፔቲ"ታዎ ፑርታ ባኣዚ" ማደጉዎዲ ያኦሲ ኑ ሺኢቃኔ፤
ኑኡኒ ሺኢቃሂ ዎዚ ዓሲም ኑ ኮሺ ዓሲ ማዒ ጴዲባኣቲያ ዒንህ
ቢያ ዎዴ ፒዜ ማዔ ባኣዚ" ማዳንዳጉዲ ማዓንዳኣፓዓቲም ኑ
ኮሺሞ ዳዋኒቱዎሴ።

13:1 ለሚ. ዎማ 17:6፤ 19:15።

8 ዓይጎሮ ጌዔቴ ኑ ጎኑሞም ማዳኢፓዓቴም ጎኑሞና ዎላ" ዓኣዲዎ ባኣዚ" ዓይጎዎ ኑ ማዳኢ ዳንደዑብሴ።

9 ኑኡኒ ላቤ"ያ ማዔም ዒንህሂ ደዲ ማዔቴ ኑም ቃራኬ፤ ኑኡከ ሺኢጲፃ ዒንህሂ ፓጩ ባኣዚ"ባኣ ዓሲ ማዓንዳጉዲኬ።

10 ሐያ ከኢቶ" ዒንህሂፓ ሃኬ ዓኣዖ ታ ፃኣፔህ ይያርኬ፤ ይያይዲፃና ታ ዒንህሂ ከይላ" ሙኬ ዎዶ"ና ጎዳ ታኣም ዒንጌ ቢታንቶና ታ ዒንህሂ ሜታሳዓኬ፤ ዓይጎሮ ጌዔቴ ጎዳ ይያ ቢታንቶ ታኣም ዒንጌህሂ ዒንህሂ ታ ደዲሺ ማዣንዳጉዲኬ፥ ሻሂ ባባይዛንዳጉዲቴቆሴ።

11 ዓኣሪ ታ ዒሾንህ! ሚሾንህ! ኮሺ ናንጉዎቴ፥ ፓጩ ባኣዚ"ባኣ ዓሲ ማዓኒ ደዲዎቴ፥ ታ ዘር" ዎይዙዎቴ፥ ዎላ" ሃህ ጌኢጊ ናንጉዎቴ፥ ሴካና ሃንጋና ኮሹሞና ናንጉዎቴ። ናሹሞና ኮሹሞናኮ ፆኣዛህ ዒንህሂና ዎላ" ማዓንዳኔ።

12 ዎላኮ ጌርሲንህጉዲ ማዒ ዎላ ሄርቁ ሄርቁ ዎላ ዔኤሉ"ዎቴ።

13 ፆኣሲም ዲማዴ ዓሳ ቢያ ዒንህሂ «ኮሺዳ?» ጋዓኔ።

14 ጎዳ ዩሱስ ኪሪሰቶሴኮ ኮሹማ፥ ፆኣሲኮ ናሹማ፥ ዓያኖ ጌኡዦኮ ፔቴማ ዒንህሂ ቢያህሂና ዎላ" ማዖንጎ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1